

DEMONSTRATIO OCULARIS.

Loci sine locato;

Corporis successivè moti in vacuo:

Luminis nulli corpori inherenti.

A

VALERIANO MAGNO

FRATRE CAPUCCINO

exhibita.



SERENISS: PRINCIPIBUS

VLADISLAO IV.

REGI,

ET

LVDOVICÆ MARIAE

REGINÆ

POLONIAE & SVECIAE,

Magnis Ducibus Lithuaniae, &c.

Addita est egregia Epist. AE. P. de Roberual

VENETIIS EX TYPIS HERZIANIS M.DC.II.

Superiorum permissu.

SIGNOR MIO SIGNOR E PATRON

Colendissimo

IL SIGNOR GIOVANI MOCENIGO

L Presente Libro del Vacuo
 mandato da Polonia al Padre
 Antonio da Reggio minor os-
 seruante conuentuale stato di-
 gnissimo Prouinciale nella sua Religione , e
 stimatissimo Maestro di Filosofia , e Teo-
 logia : e da sua P. Reuerendiss. consegnato
 al Signor Francesco Torricelli Denali pur
 Reggiano , Gentilhuomo dotato di quelle
 Lettere , c'hà fatto publica e priuatamente
 conoscer in Padoua ; onde n'è arriuato il gri-
 do ancor quì à Venetia : e dall'vno , e l'al-
 tro di questi Letterati stimato degno di ri-
 stampa hà Testimonij così autoreuoli della
 dottrina , che in se racchiude, che non si può
 dubitare non sia degno di dedicarsi à qua-

A 2 dunque

lunque più scientiato, e più meriteuole Cautiere. Però io, hauendo hauuta fortuna di ristamparlo, e libertà insieme di Dedicarlo à chiunque più mi piacesse, hò subito messi gli occhi nella persona di V. S. Illustriss. la quale per le sue esterne grandezze di nobiltà di natali e glorie de' suoi Antenati famosi in pace & in guerra, e per l'interne dell' incomparabili sue virtù fatte da lei apparire col sostenere ne' suoi più teneri anni difficilissime Catedre di Filosofia, si può giustamente connumerare frà i più qualificati Gentiluomini della Republica Serenissima. Supplico dunque humilissimamente V. S. Illustriss. à voler gradir questo dono, che tanto à lei si conuiene; massime che straordinaria è la partialità con la quale si mostra inclinata al merito del suddeto Signor Torricelli, e ne fauorisce la persona, & interessi. E per fine, consegnandomi humilmente nella sua bona
gratia

gratia ; a V. S. Illustriss. faccio humi-
lissima , e diuotissima Riuerenza. 104
Venetia . 8 Giugno 1649.

D. V. S. Illustriss.

Humilissimo e Diuotissimo

Servitore .

Gio: Giacomo Herz

1871

1872

1873

REX IN AETERNVM Vive .

EDidi Tractatum de Luce Mentium, sub cuius ratione non adeò multi exultant, cæteris cæcutientibus ex intuitu tanti fulgoris. Spem feci Philosophiæ veræ, propagandæ ex illo Dogmate cuius, dum aliquod initium fetuet sub prælo, me incessit formido ingens seuerioris censuræ à Peripatu, stipato ingenti satellitio Theologorum: qua propter cœpi mecum ipse excogitare, si qua luce sensibili, quandoquidem illa mentium putatur innaccessibilis, qui rem damnare falsitatis prima elementa Philosophiæ Peripatetica, quæ, me spectante, damnantur à Luce Mentium, quatenus ipse Peripatus ferret meam Philosophiam, si non molliusculè, minus tamen acerbè. Successit cogitationi inuentum præclarum, minax in Aristotelem, dignum Regia consideratione, & admiratione, quod nimirum, à sæculo non sit, non ausim dicere cognitum, sed publicè exhibitum. Facti historiam præmitto, antequam exinde censeam de primis principiis Philosophiæ Aristotelicæ; exordior tamen à declaratione, sine qua non satis intelligitur quid sit Vacuum, quiuè sit status quæstionis de possibilitate Vacui, demonstrandi ad oculum.

Quid sit Vacuum.

Corpora præcipua mundi elementaris, exposita omnium oculis ac sensibus, sunt Terra, Aqua, & Aer: Sphæram ignis non vidi: ex quibus generantur pleraque alia, minima tamen respectiue ad præfata. Eiusmodi sunt lapides, metalla, præter vegetabilia, & animalia.

malia. Partes terræ continuantur inuicem, & violenter auulsæ, cessante illa vi, repetunt suum totum, & coalescunt in vnam sphaeram. Eadem natura est Aquæ, & Aëri, vnde habemus sphaeras Terræ, Aquarum, & Aëris, quas nemo non videt, qui tamen vidit congregationem aquarum, quæ nuncupatur Mare: Inest ergo singulis elementis quædam virtus collectiua partium in vnam molem sphaericam, quam virtutem Philosophi nominant Grauitatem, & Leuitatem: Ego verò eam denomino Continuatiuam, quæ alia est in Terra, alia in Aqua, alia in Aëre; si quidem vnaquæque continuat proprias partes suo Tori. Portò hæc tres Sphæræ occupant in mundo ea loca, quæ cernimus; nimirum, Terra infimum, Aër supremum, Aqua medium.

Præter has virtutes Continuatiuas animaduertimus, existere aliam effectiuam, & conseruatiuam contiguitatis sphaerarum Terræ, Aquæ, & Aëris, aliorumque corporum mixtorum, secundum proportionem elementi prædominantis: quam virtutem de nomine Contiguatiuam. Hæc est illud agens naturale, quod prohibet locum esse vacuum ab omni corpore, quatenus partes integrantes mundum, & minutiores quæque contiguentur in vnicam molem, quæ nuncupatur Vniuersum.

Demum inhareret stellis, & præcipue Soli virtus discontinuatiua partium Terræ, & Aquarum, Aëris verò (ad minimum) rarefactiua: tamen si virtutes continuatiuæ illorum elementorum noctæ opportunitatem recessus stellarum, repetant partes sibi per vim extortas.

Partes terræ, eatenus extortæ errant per aëra sub nomine exhalationis; Aquarum vero sub titulo Vaporis: Hæ recidunt in rorem, pruinam, niues, grandinem, & pluuiam: Illæ sæpius accensæ coruscant, tonant, & condensantur in fulmina, semperque miscentur aquis, quomodolibet decidentibus, ac recurrentibus ad suum Totum, scilicet ad Mare. Tria (inquam) corpora simplicia

cia eatenus discontinuantur a luce stellarum, siue sint in propria sphaera, siue in corporibus mixtis. Hanc virtutem stellarum denomina Discontinuatiuam; contiguatiua verò aggreditur virtutem continuatiuam praefatorum corporum tanto impetu, & vitium suarum iactantia, vt credatur inuincibilis a virtute continuatiua: nam, si qua potentia aggrediatur discontinuare, v. g. Aquas ab Aëre, nullo inter discontinuata corpora interiecto corpore, virtus contiguatiua cogit vel Aquas ascendere, vel Aërem descendere, idque efficit cum tanta violentia, vt sit multorum opinio, hanc virtutem deducturam partem celi, si alia desint, quam suggerat ad euitandam eam discontiguationem, quæ relinquat locum sine corpore locato.

Est ergo communis Philosophorum sententia, auctore inter alios, Aristotele, locum sine locato esse impossibile. Mihi verò hæc opinio fuit semper suspecta, tum quod asserta nullitas proportionis inter virtutem contiguatiuam, & continuatiuam non consonet concordie naturali partium mundi elementaris; inuicem alioquin dissidentium; tum etiam quod necessitas suggerendi partes elementorum subtilissimas ad replenda vacua exilia, quæ non possunt non euenire a virtute discontinuatua; sit præcipuum fundamentum mixtionis elementorum, sine qua non est possibilis generatio corporum sub-

lunarium. Tamen non sum au-

fusus (ea est communis

sententia auctori-

tas apud

me) deferre his argumen-

tis, ni habeant testi-

monium a sen-

su

Inquiri-

Inquiritur Argumentum sensibile pro sol- uenda Quæstione de Possibi- litate Vacui.

HAud dubium, quin concussus virtutum illarum in descensu aquarum vsque ad centrum Terræ, & in ascensu fluctuū maris agitati per maxima volumina partium aeris à spiritu ventorum, fiant iis motibus, qui dirimerent quæstionem de possibilitate vacui, si essent à nobis considerabiles ad oculum. At nos non volamus per æthera, nec penetramus viscera terræ, sed gradimur in eius superficie; qua propter adduxi in considerationem proportionem grauitatis inter corpora, quæ suapte natura sunt liquida, quibus replerem vas aliquod, secundum methodum paulò infrà exponendam. Comparauit ergo grauitatem argenti viui, scilicet Mercurii, cum aqua, & deprehendi id esse circiter duodecuplo grauius aqua. Hac habita proportionem, sic mecum ipse ratiocinabar. Si fistulam quantum libet longam, altera extremitatum clausa, repleuero liquenti corpore graui, sitque virtus contiguatiua inuincibilis à continuatiua, quæ in hoc casu nuncupatur Grauitas; & fistula erigatur super planum Orizontis, orificio inferno hiantem seu aperto, non defluet aqua, neque mercurius, ne detur vacuum in superiore parte fistulæ. Sin autem virtus contiguatiua nequeat suspendere, nisi determinatum pondus aquarum, aut mercurii, necessario id aquæ, aut mercurii descendet per fistulam, quod nequit suspendi à virtute contiguate: in quo casu, vel dabitur vacuum in fistula, vel fistula frangetur.

Porro ex opusculo quodam Galilæi de Galileis cognoueram, quòd per mechanica instrumenta non sit possibile

le aquam eleuari in fistula; seu canali vltra octodecim
vlnas, quapropter intellexi nec posse ab eadem virtute
contiguante eleuari mercurium vsque ad secundam vl-
nam, ob excessum eius grauiatis super grauitatem aquæ:
quapropter me incessit ingens cupido parandæ eiusmodi
fistulæ ex vitro, quatenus ad oculum dirimerem quæstio-
nem celeberrimam disputatam à mundo condito. Feci,
& vidi oculis meis.

Locum sine locato :

Corpus motum successiue in vacuo :

Lumen nulli corpori inherens.

Facti historia.

PROcuravi, fistulam vitream, longam vltra cubitos
duos, cuius canalis commodè excipiat pisum. cras-
sitie vitri est tanta, quanta est grani frumentacci. Vnum
eius orificium oclusi sigillo Hermetis. scilicet, vitro li-
quenti. Hanc fistulam impleui argento viuo, cuius ori-
ficium patens obturaui digito vehementer applicato, su-
per quo orificio, eatenus obturato, erexi fistulam, quam
immersi argento viuo, indito vasi congruo, quod vas
erat pariter immersum vasi repleto aquis, ita vt aquæ
eminerent supra argentum viuum digitis quatuor.

Hunc processum ter repetii, nec tamen eodem modo
perfeci, quo cæperam. Prima vice referaui orificium in-
fernum fistula erecta, ac mersa mercurio. Secunda vice,
referaui illud ipsum orificium, fistula erecta, & mersa
aquis. Tertia vice referaui fistulam eodem modo extra
mercurium, & aquas in liberrimo Aere: Quid viderim
oculis meis excipe, SERENISSIME, & admirare impen-
sus.

De obturato orificio infimo fistula erecta, & mersa
mercu-

mercurio, is eodem momento, suoptè pondere præcipitatur per canalem fistulæ, salitque iterum, ac defilit, & post nonnullas eiusmodi vibrationes, inferior pars fistulæ, longior cubitu vno, visitur plena mercurio, superior verò creditur vacua ab omni corpore: nā oculis nil aquæ, in illa parte cernitur. Aër vero non potuit subire aquas, & mercurium, & sursum penetrare fistulam: quapropter pars superior fistulæ, est locus sine locato, qui erat demonstrandus.

Quid opponis Stagirita? Aër, (inquit) vacui euitandi gratia, penetrauit poros vitri vsque ad eius cavitatem? At ego: Cur Aër eatenus accitus non occupauit totam fistulam? Fortassis respondetur, virtutem contiguatiuam suppleuisse partes fistulæ, iis corporibus, quæ facilius poterat intrò vrgeret, scilicet, mercurio inferiores, aëre superiores. Fateor, hæc adduci non inuerecundè, oculis non distinguentibus inter Aërem, & nihilum Aëris.

Verum hæc quæstio, futura alioquin æterna, dirimitur ad oculum, si amoucas digitum ab orificio inferno fistulæ erectæ & mercurio repletæ extractæ a mercurio, dum eius pars infima mergitur aquis: nam eodem momento aquæ magno impetu assurgunt per canalem fistulæ, pelluntque mercurium vsque ad summitatem, quo deorsum labente aliæ aquæ sursum vibratæ, iterum sursum pellunt partem aliquam mercurii descendenteis: ita vt, non sine tumultu post notabile spatium temporis tota fistula conspiciatur plena aquis, quæ non potuissent illa spatia replere, si fuisset occupata ab Aëre quomodolibet introducto. Adiungo Naturæ discretionem: Vix est possibile fundere intrò fistulam mercurium, quin admoto, vti suprà digito qui claudat eius orificium, intercipiatur aliquid Aëris, quem natura, per repletam fistulam aquis, secernit ab aqua visibilem instar perlæ lucidioris, mouetque sursum ab imo fundo toties, quoties libuerit inuerrere Fistulam:

Jam : ita ut, oculo teste, nil aeris fuerit in vacua parte Fistulæ, præter eam particulam, quæ visitur. Estne, SERENISSIME, residuum negandi, aut ambigendi argumentum? vix puto. Conuicta (inquit Augustinus alia occasione) erant omnia argumenta, sola restabat muta trepidatio.

Denique admoueo Aërem replendæ fistulæ, vacanti ab omni corpore, post adhibitas aquas, & mercurium: fortassis Aër sua leuitate saliet ad partes fistulæ supremas maiore, ac sensibiliore impetu quàm sursum mota fuerit aqua, suaptè natura grauis, & mercurius grauissimus omnium corporum post aurum. Factum est, &, defluente mercurio ponderosissimo, Aër sese fistulæ per orificium insinuauit impetu penè incredibili: nam mercurium sursum pepulit, & cum sonitu illisit vitro, obturanti orificium supernum, concussa fistula, & penè de meis manibus excussa sursum, ita ut, & aure, & tactu, nedum oculo, senserim violentiam virtutis contiguantis in repletionè vacui præexistentis. Ergo fistula vitrea maiore sui parte fuit vacua ab omni corpore: Ergo Mercurius, Aqua, & Aër mouebantur successiue in vacuo: Quæ erant demonstranda oculariter. Transilio plurima, digna stupore.

Supereft demonstrare, pariter ad oculum lumen, quod subsistat sine vilo corpore: cuius demonstrationis gratia præmitto nonnulla, posita extrà omnem disputationem.

1. *Oculus nil videt siue lumine.*
2. *Videns, qui intendat aciem oculorum in tenebras, putat, se videre nigredinem summam; nam umbra semper nigrescent.*
3. *Oculus non potest vno intuitu videre omnes partes superficie corporis opaci.*
4. *Oculus potest videre vno intuitu superficiem totam, totamque profunditatem corporis diaphani.*

Hiscæ

Hisce suppositis sic argumentor. Si canalis fistulæ vitreæ sit vacuus non solum ab omni corpore, sed & ab omni lumine non posset per primam propositionem videri, nisi eo modo, quo videmus tenebras seu umbras: scilicet, per secundam propositionem videremus canalem, velut sit cylinder nigerrimus.

Si canalis fistulæ sit vacuus non solum ab omni corpore, sed & ab omni lumine; is, qui videt fistulam anteriore sui parte, non potest per primam propositionem videre posteriorem, obstante, per secundam propositionem, cylindro nigerrimo.

Si canalis fistulæ sit vacuus non solum ab omni corpore, sed & à lumine; videns non potest per propositiones præfatas videre coloratum positum è regione oculi post fistulam, tamen si hæc sit vitrea, seu diaphana, obstante cylindro nigerrimo, perinde ac si corpus opacum impleret canalem fistulæ.

At in fistula vacua nullæ occurrunt tenebræ: nullus visitur cylinder nigerrimus, sed omnia conspicua sunt, & partes fistulæ, & qualiacunque posita post fistulam; Ergo in spatio vacuo ab omni corpore fuit lumen, nulli corpori inhærens. Quod erat demonstrandum ad oculum;
 nimirum, adiuncto oculo
 mentis, quo carent
 equus,
 & mulus, quibus
 non est intellectus.

Locus sine corpore , quomodo nocet Aristoteli .

HÆc retulerim historicè de hoc præclaro experi-
mento , ex quo obiter intulerim ;

Locum sine locato :

Corpus successiue motum in vacuo :

Lumen nulli corpori inherens :

quæ tria libet admouere Philosophiæ Aristotelicæ, qua-
tenus cognoscam, vtrum consentiant cum communi do-
ctrina Peripatus . Equidem scio, ea dissentire: sentit
enim Philosophus ille, Locum sine locato: Corpus suc-
cessiue motum in vacuo: Lumen existens sine subiecto
corpore, esse impossibilia. Quoniam verò hæc demonstrā-
tur ad oculum actu existentia volo obiter inquirere quā
ruinam fabricæ Aristotelicæ tres illæ impossibilitates se-
cum vehant, si amoueantur à structura peripatus . Exor-
dior à loco sine locato, quem censet impossibilem , eo
præcipue argumento, quòd is implicet impossibilem pe-
netrationem dimensionum, secundum longitudinem la-
titudinem, & profunditatem: supponit enim corpora non
posse sese penetrare , quæ impenetrabilitas proueniat
non à materia non à forma, non à qualitate corporis na-
turalis, sed à præfatis dimensionibus . Nam Aer, v. g. ra-
refactus acquirit nouam longitudinem latitudinem &
profunditatem, nulla facta mutatione circà eius mate-
riam, formam, & pleraque accidentia: & tamen Aer ea-
tenus rarefactus, non potest coerceri intra illud vas, a quo
continebatur condensatus; id vetantibus, non Aeris ma-
teria, non forma, non aliis eius accidentibus, sed solis di-
mensionibus; quippè quæ solæ efficiant illam impenetra-
bilitatem.

Hanc

Hanc verò doctrinam peripateticam accommodo fistulæ nostræ occupatæ a mercurio. Hic si inde trudatur, nullo alio corpore succedente, necessariò secundum Stagiritam, secum vehit tres sui dimensiones sibi inhærentes inseparabiliter; ita ut sit impossibile extrema concavæ superficiæ fistularis distare secundum ullam longitudinem, latitudinē, ac profunditatem: quapropter, vel mercurius non poterit extrudi, vel fistula frangetur, aduocato corpore aereo, aut aqueo aut alio opportuniore. At vidimus in fistula locum sine locato: Quæro igitur.

Utrum longitudo, & profunditas vacui spatii fistularis sint dimensiones reales, ut supponit Aristoteles?

Utrum sint separata a corpore naturali?

Utrum nata sint penetrare dimensiones corporis intro locabilis?

Sin verò non sint reales, cur ab Aristotele urgentur contra vacuum?

Ignorem, SERENISSIME, harum quæstionum solutionem. Unum est, de quo mihi certò constat

Aristoteles ignoravit molem rerum dimensionem, quandoquidem ignoravit, extrema superficiæ corporis locantis posse distare ab invicem sublato omni corpore locato.

Porrò is,

qui

ignorat molem rerum dimensionem, necessariò coignorat omnia corpora naturalia.

Corpus successiue motum in
Vacuo quomodo nocet
Aristoteli.

Aggredior motum corporis in vacuo quem Stagiritæ censet impossibilem: contrahit tamen suam demonstrationem, vt conijcio ex eius textu ad corpora simplicia, quatenus sunt graua & leuia. Sed præmitto quatuor, quæ a Stagiritæ supponuntur suo argumento. Supponit, motum localem in instanti esse impossibilem; quia implicat idem corpus in vno, & eodem instanti esse in pluribus locis, quod necessario euenit, si corpus moueatur de loco ad locum in instanti.

Supponit secundo: Principi a intrinseca motiua corporum grauium & leuium non habere resistentiam ad actiue mouendum, nec à se, nec à corpore mobili, sed a medio, per quod corpora illa mouentur, cuiusmodi sunt Aër, & Aqua.

Supponit tertio: Nullam esse proportionem inter, ens & nihil, & consequenter aliquod corpus, & nil corporum. Cogita Quaternionem esse duplum Duernionis, & quadruplum vnitatis. At Quaternio ad nil numeri & vnitatis nullam habet proportionem: Non secus Locus qui complectitur corpus locatum, nullam quoad hoc, habet proportionem cum loco vacuo ab omni corpore.

Demum supponit. Medium densius resistere mouenti magis, quam minus densum, ita vt cæteris paribus, ea sit proportio velocitatis ad velocitatem, quæ est densitas ad densitatem; nimirum Graue, descendens per Aërem, mouetur decuplò velocius, quam moueatur per Aquam si aër sit decuplò rarior aqua.

Hisce suppositis facile infert impossibilitatem. Cum

enim Graui, aut Leui moto localiter nil resistat præter corpus, per quod mouetur si id tollatur, relicto loco vacuo, nil superest quod resistat mouenti; & consequenter, corpus si mouetur per vacuum, necessario mouetur in instanti: qui motus instantaneus, tam est impossibilis quàm, corpus vllum esse in vno, & eodem instanti in pluribus locis.

At nos vidimus Aërem & Aquam, præter mercurium moueri successiuè in fistula vitrea vacua ab omni corpore. Quæro igitur. Quid id sit, quod restitit virtuti contiguan- ti Mercurium, Aquam, & Aërem, cum concava, & vacua superficie fistulæ, ne sursum ageret corpora illa in instanti.

Hæc quæstio non potest solui ex sententia Peripatetica, quæ statuit corpus naturale componi ex materia & forma, à qua formæ deriuantur in totum compositum. Quantitas continua, nec non Grauitas, & Leuitas, velut instrumenta, seu adminicula actiui motus localis; Nam, v.g. cum Mercurius, cui inest Principium motus ad centrum, mouetur ad supremas partes fistulæ, ad præcauendum, aut supplendum Vacuum, motus ille necessario est à Principio essentialiter distincto ab eo, quod premit Mercurium ad partes fistulæ infernas: & consequenter cum virtus contiguiua nata sit mouere omnia corpora tam mixta, quàm simplicia, nulli eorum inest: cui ergo ine- rit, vt sit in aliquo corpore naturali?

Quidam Peripateticorum occurrunt huic obiectioni, tribuendam virtutem contiguiuam singulis corporibus naturalibus, quatenus, vt virtute continuatiua partes sese naturaliter recolligunt in suam Sphæram, sic virtute contiguiua singula corpora mundana sese naturaliter complectantur in vnam molem, per immediatam contiguationem. Huic excusationi obstat nostra fistula, in qua vidimus, Mercurium occupasse infimas partes fistulæ, supernis vacuis ab omni corpore, eo quod virtus con-
tigua-

tiguatione nequiverit vincere totaliter virtutem continuatiam prementem Mercurium ad partes fistulæ infernas. Dissentiunt ergo illæ duæ virtutes mortices, ac pugnant motibus contrariis, ita ut sit impossibile, sint una natura: quapropter dico, Principium mouens sursum Mercurium, & aquam, per vacuum fistulæ habere virtutem morticem limitatam ab Auctore naturæ, unde limitatur velocitas motus, quominus fiat in instanti. Scio tamen obiectionem, quam mea fistula nequit ad oculum submonere. Opponitur, motum Mercurij, & Aquæ, non fieri simpliciter in Vacuo, si quidem corpora illa tangunt concavam superficiem fistulæ, quæ non potest non esse scabrosa, licet nostro tactui imperceptibiliter, concedo, & promitto aliã Fistulam, ex qua gutta aquæ cadat per medium vacuum intacta concava superficie Fistulæ. Porro breuitatis gratia non urgeo profundius contra Stagiritam hæc corpora successiue mota in Vacuo.

Lumen, nulli corpori inhærens, quomodo nocet Aristoreli.

DEmum expendo lumen, nulli corpori inhærens. Id verò est vel forma accidentalis vel substantialis. Ut sit, duo hinc consequuntur inimicissima Peripatui. Vnum est: Corpus lucidum actiue produciens lumen ex nihilo.

Alterum: Forma sensibilis separata à materia.

Lucens, productiuum luminis ex nihilo, tollit necessitatem materiæ primæ in ordine ad generationem, & subiecti in ordine ad alterationem, seu productionem.

Ergo non datur materia prima Aristotelica. Lumen,

B a nulli

nulli corpori inhaerens, asserit sui existentiam, independentem a subiecto, in quo recipiatur. Ergo aliqua forma sensibilis stat sine subiecto.

Has Conclusiones infero ex nostra Fistula, siue lumen in Vacuo sit forma accidentalis, siue substantialis.

Has Conclusiones infero ex nostra Fistula, siue lumen in Vacuo sit forma accidentalis, siue substantialis.

Sit essentialis. Ergo corpus lucens est productiuum formae essentialis ex nulla materia, aut subiecto, quomolibet nuncupato.

Sit accidentalis, Ergo forma accidentalis accidit, licet nullum existat subiectum essentialis, cui accidat.

Fortassis Lumen in Vacuo est forma entitatis exilioris forma substantialis, tamen si nullum sit subiectum, cui accidat.

Sit. Ergo forma non substantialis subsistit sine subiecto. Opponunt nonnulli hisce consequentiis hanc propositionem, velut certam ex fide.

Solus Deus potest producere Ens aliquod ex nihilo.

Nego, fidem Christianam inuoluere illam assertionem cuius loco fortassis cogitabant hanc;

Solus Deus potest creare.

At creare inuoluit ultra productionem ex nihilo, independentiam à causa superiore, quae negatur de Agente naturali,

Hæc paucis exposuerim TVÆ REGIÆ MAIESTATI, multis quæ alioquin dicenda erant, reiectis in meam Philosophiam; sufficiunt autem quæ dixi, ut intelligas, lapides de structura Peripatus, quos secum rapiunt.

Locum sine locato:

Corpus motum successiue in Vacuo.

Lumen visum in Vacuo esse prae grandes, esse fundamentales, esse angulares, Putant, istis Demonstrationibus Ocularibus ita fractam Phisicam Aristotelis, illisam Fistula vitrea?

15

DISPUTATIO

THEOLOGORVM

VARSAVIENSIVM

Contra Vacuum ex nostra
Fistula illatum.

HÆc scribebam Varſaviæ die 12. Iulii, Anni 1647. quæ dum exhibentur Serenissimis Principibus. REGI ac REGINÆ, spectaculo iucundissimo, inde erupit fama huiuscemodi miraculi in natura, quæ excitavit multorum ingenia ad contradicendum: quapropter REX Serenissimus præcepit sibi adesse ex omnibus Ordinibus Regularibus Theologum vnum, aut alterum, qui die 18. prædicti mensis coram spectarent experimenta meæ fistulæ, opposituri id corporis, quod ex eorum sententia occuparet partem fistulæ, quam ego existimabam planè vacuum: Conuenimus ergo: & iussus a REGÈ proloqui, dixi, me vehementer suaderi quodam experimento sensibili, quod locus sine locato sit possibilis ipsi naturæ, sed veteri, ne subsit error: quapropter me plurimum debere Clementissimo ac Sapientissimo Mæcenati, quod ea conuocatione fecerit mihi opportunitatem percipiendi ex ore eorum, quid sentiant, viso prius, ac probè considerato experimento.

Impleui ergo meam fistulam mercurio, & exhibui illis integrum spectaculum, suprà luculenter expositum: nec tamè singuli dixerunt sententiam, veriti fortassis molestiam, quæ SERENISSIMI PRINCIPES afficerentur ex

longiore cōquisitione veritatis. Quatuor fuere, qui disertè probare nitebantur, eam fistulæ partem, quæ mihi videbatur vacua, esse occupatam ab aliquo corpore: Fuit, qui diceret corpus illud esse Aërem: Alii dixere, esse vaporem exhalatum à mercurio: nonnullus addebat vapores contributos ab aqua, velut fuerit alterata à mercurio.

His opposui motum aquæ vehementem, quo pars illa fistulæ, quam dicebant repletam aëre, aut vapore, implebatur; concederent ergo aut Vacuum, aut corporum penetrationem. Neutrum concessere. Ego verò institi, ac petii, dicerent causam, ob quam tanto impetu aquæ ascenderent vsque ad summitatem fistulæ, si non inest illi locus sine locato. Fuit, qui assereret, mercurium, defluentem ex fistula in aquas, premere illas vehementissimè: quæ eatenus lacessitæ, & penè versæ in furorem, resiliunt sursum per fistulam eo impetu, qui cogat vapores, velut versos fugam tentare, ac obtinere euasione per orificium infernum aquis immersum.

Porro nil horum, me, credentem fistulæ partē illam esse vacuam, commouerat: erupit tamen ex multa concertatione vnum argumentum, quod mihi visum est idoneum turbando iudicio etiam illorum, qui non sunt præoccupati sententia Aristotelis, nec iurati defensores doctrinæ Principis propriæ Scholæ. Id est, Dum mercurius, qui occupat penè medietatem fistulæ ruit præceps in aquas, hæce necessariò assurgunt magna velocitate, non tamen impleturæ illam fistulæ partem, quam ego aio esse vacuam; sed occupaturæ locum duntaxat, quem deserit mercurius, ne detur vacuum: quoniam verò natura prohibet vacuum ingenti conatu, aquæ, sursum motæ, pellunt ipsum mercuriū vsque ad fistulæ summitatem, & tandem tota fistula repletur aquis, extrusis aut aëre, aut vapore per orificium infernum immersum aquis. Hoc argumentum exceptum est non sine plausu: Ego verò, qui vole-

volebam argumentari ex sola fistula, ostendi ad oculum, fistulam altero orificio obturatam, & perpendiculariter erectam, si vi, aut celeritate ingenti mergatur aquis, nil aquarum, aëre extruso, admittere, nec posse extrudi aërem, aut vaporem, quin in conspicuas bullas, salientes ex profunditate aquarum, fatiscerent, quarum nulla cernitur in descensu mercurii. Hæc dixi: verum cum nil proficerem, existimaui, improbabilitatem multarum assertionum, quibus ibat sublatum vacuum, à mea fistula illatum, confirmare ipsum efficacissimè.

Vbi verò, actis humilimè gratiis Serenissimis REGI ac REGINÆ, quod fuerint dignati coram spectare hæc experimenta, & audire singulorum placita, concessi ad meum Musæum, adhibui fistulam nouo experimento, quodpote sit, non quidem imperatè silentium contradicenti, sed extorquere consensum à viro perspicaci non præoccupato. Impleui fistulā Mercurio, immersam eidē mercurio, & deobturato inferno orificio, stetit in fistula vna pars Mercurii, reliqua defluente in vas subiectum. Notavi filo circumducto locum fistulæ summum, quem attingeret mercurius: deinde obturavi orificium fistulæ, antequam eam eleuarem à mercurio, & inuersa fistula mercurius delapsus est ad partem extremam, sigillo Hermetis obsignatam, carnibus digiti, obturantis oppositum orificium, non sine molestia intra fistulam actis, quatenus tantilla caro suppleret particulam vacui relictæ: quo argumento euidentissimè infertur Vacuum. Fistula ergo, ut dixi inuersa, & erecta, ac reserato eius orificio hiantē sursum versus, repleui reliquam partem fistulæ media ex parte aquis, reliqua aëre, ita ut nil esset vacui in eius canali. Hisce eatenus dispositis, inuersa, & erecta fistula, digito obturata, merxi eius orificium aquis, obseruaturus, an deobturato orificio, dū mercurius ruit præceps, aquæ sursum vibrentur impetu pari, illi, quo vibrantur, cum fistula, meo iudicio, altera sui parte censetur vacua. Factum.

est: vix tamen aquæ sursum vibratæ, excesserunt locum signatum filo: immotis aqua, & aëre occupantibus superiores partes fistulæ: nullis bullis à superficie aquarum factiscentibus in aërem. Hoc ipsum accidit, reserato orificio fistulæ in aëre libero: cernuntur tamen bullæ in aqua, ut fieri solet infuso quouis liquore.

Quapropter causa motus vehementioris mercurij, aquæ & aëris sursum per canalem fistulæ, qui non contingit, fistula repleta aqua, aut aëre, necessario fit à principio fatagente, non solum sufficere corpus in locum labentis mercurii, sed & replere partem fistulæ superiorem vacuum ab omni corpore.

Potest hoc experimentum institui triginta modis, combinando mercurium, aquam, aërem, infundenda fistulæ; & fistulam mergendam mercurio, aquis, & aëri: quos modos consideravi omnes, ex quibus nil contra, sed omnia stant pro naturali possibilitate Vacui: si addas hisce combinatis longitudinem, & latitudinem fistulæ, cernes oculis tuis argumentum, pro possibilitate Vacui, in directabile viro non insipienti. Mercurius, erectus à superficie mercurij, stat in fistula, cuiusvis magnitudinis, altus quinque partes quartas vlnæ Varsaviensis: scilicet, altitudo hæc non pendet à varia copia, & vario motu aut mercurii æstuantis vapores, aut aëris subeuntis canalem fistulæ.

Corpus quæ est moles ter dimensa, est mobile localiter, & quæ eiusmodi, non est motuum localiter: & consequenter mouens localiter, quæ eiusmodi non est corpus, sed spiritus, intra cuius Sphæram actiuitatis stant, ac mouentur corpora, quæ non possunt vllum spatium terminare, quod sit vacuum ab hac actiuitate: At verò eiusmodi Sphæra actiuitatis stat sine corpore. Porro hæc regeo suis locis in meam Philosophiam. Cuncta subiecta sunt censuræ Ecclesiasticæ, & iudicio doctiorum.

Fistula habetur venalis apud Gasparum Brunorium fabricum vitrearium, in horto Regio Varsaviensi.

Altera Pars
DEMONSTRATIONIS
O C V L A R I S.

De Possibilitate Vacui,

Auctore eodem

V A L E R I A N O M A G N O
F R A T R E C A P V C C I N O.

Valeriano Viro Philosopho
salutem.

FEci iuris publici opellam; de Possibilitate Vacui demonstrati non tam ratione; quam experimento fistulæ vitræ longæ ultra duos cubitos, plenæ Mercurio; quem natura prohibitiua Vacui, nequit suspendere totum; sed quinque quattor circiter partes vlnę Var. fauiensis, reliqua parte fistulæ vacua ab omni corpore. Serenissimis verò REGI, ac REGINÆ Poloniæ spectantibus id miraculi in natura, promisi alteram partem spectaculi huius, scilicet, Fistulam longam viginti circiter cubitos, plenam aqua, quam nequeat eadem natura, prohibitiua vacui, suspendere totam. Equidem id præstiri, haud tamen Serenissimis PRINCIPIBUS spectantibus: spectaturis autem, ubi redierint à venatione. Interea verò totius rei rationem, & successum tibi, amanti sapientiam; scilicet, tibi Philosopho expono, quatenus tuo iudicio

cio censeas de rei veritate: Sed facti historiam præmitto.

Paravi Fistulam metallicam, longam, vt dixi, cubitos Vartauienses viginti, latam digitum vnum circiter; cuius orificium vnum accuratè clauditur glutine metallico. Fistulam hanc repleui aqua communi, &, diligentissimè obturato altero orificio, illam erèxi perpendicularem plano orizontis pendulam ab illa extremitate, quam obfignaram, vt dixi, glutine metallico, altera inuersa aquis, quarum quantitas fuerat mihi præcisè nota. Rebus ergo ità compositis, deobturationi orificium infernum, dum mergeretur aquis, reddiditque fistula vltra duos cubitos aquarum, reliquis stantibus in fistula, nimirum suspensis contra grauitatem aquæ, à natura prohibitiua vacui. Hisce peractis, examinaui accuratiùs proportionem grauitatis Mercurij ad grauitatem aquæ, & deprehendi Mercurium eiusdem molis cum aqua, esse circiter terdecies grauiorem illa. Quoniam verò cylinder aquæ, suspensus in fistula, habet in longitudine vlnas infra octodecim: cylinder verò Mercurij stantis in fistula longus est supra vlnam vnā, deprehendi cylindrum aquæ esse terdecies longiorem cylindro Mercurij permutata proportione grauitatum Mercurij & aquæ. Talis est facti historia.

Rogo igitur dignitatem tuam Philosophicam, quatenus accuratè expendas vtramque partem Demonstrationis Ocularis de Possibilitate Vacui. Si de veritate facti hæsitas, neque sis longè dissitus à me, exhibebo, quoties licuerit, tibi videnti ac palpanti relata experimenta. Sin verò absis: haud difficulter poteris, satis instructus meis Tractatibus, hoc perficere tuis manibus, quod enarro, me fecisse. Pono igitur, te credere mihi, motus aeris, aquæ, & Mercurij in fistula, & è fistula, eos esse, quos retuli, nec tamen cōcedas supremas partes fistularum illarum esse vacuas ab omni corpore. Quapropter peto abs te nomen corporis illius, quod occupat supremas partes fistularum.

Pc.

Peto insuper, nomines viam illam, per quam corpus illud eò penetrauit. Sed antequam fatisfacias quæsitis, concesserim per modum doctrinæ, partes illas esse occupatas ab aliquo corpore. Quæro, cur ex fistulis non defluit tota aqua, totusque Mercurius, prout suo pte pondere naturaliter defluerent, si quidem, aliqua parte defluente, succedunt alia corpora sine vilo periculo vacui? Quæro, cur existentibus fistulis quantumcunque longioribus, & latioribus (quod ego sæpissimè probaui) cylinder Mercuriis, cylinderque aquæ immutatam seruant altitudinem in fistula? Quæro, cur longitudo cylindri aquei est præcise totupla ad longitudinem cylindri mercurialis, quotupla est grauitas Mercurii, data paritate molis, ad grauitatem aquæ: ita vt cylinder aqueus, & cylinder mercurialis, successiuè stantes in eadem fistula, sint æquales in grauitate, licet inæquales in longitudine? Quæro, cur aer, aqua, & Mercurius subeunt tam euidenter, tantoque impetu ad supremas partes fistulæ, si partes illæ sunt repletæ corpore, leniore aqua, & Mercurio?

Fortassis respondes, corpora hæc ascendere non repletura vacuum præexistens, sed opplerura spatia relicta ab aqua, aut Mercurio effluentibus. Ego verò insto: Cur Fistula, superiore sui parte repleta aqua, aut aere, & inferiore repleta mercurio, eo effluente, nil aquæ, aut Mercurii refluit ad partes superiores, repletas, vt præfertur aere, aut aqua, sed dumtaxat assurgunt vsque ad illam partem fistulæ, quæ occupabatur à Mercurio effluente? Sed concesserim secundò, per modum doctrinæ, partes supremas fistulæ fuisse repletas aut aere, aut subtilissimo vapore, exhalato à Mercurio: Quæro, quâ via aer, aut subtilissimus ille vapor cessit locum assurgentibus aquis, & Mercurio ponderosissimo? Quæro insuper cuius finis gratia, si nullum sit Vacuum in Fistula, Mercurius grauis-
simus omnium liquidorum, tanto impetu salit sursum, agitque deorsum vaporem, aut aerem lenissimum? Ego
nol-

nullam horum miraculorum necessitatem deprehendo, quàm quæ opituletur negantibus Vacuum. Has quæstiones viderim concessio per modum doctrinæ, corpore occupantes supremas partes fistularum.

At nego, defluentibus ex fistulis aqua, & Mercurio, succedere corpus aliud: quapropter tibi incumbit, mihi nominare & corpus & viam, quæ irrepit. Quod illud? quæ illa? fortassis respondes: Illud est aer, vel vapor a Mercurio: Via si sit aer, sunt pori vitri, vel infernum orificium fistulæ: Si sint vapores, ij exhalantur a Mercurio summè volatili secundum omnes chymicos. Porro quod pars suprema fistulæ sit repleta aliquo huiusmodi corpore, euidenter demonstratur per rarefactionem, & condensationem conspicuam ex motu Mercurij stantis in fistula depressi, fistula calefacta: & elati, frigefacta. Hæc Tu. Ego verò non acquiesco hiscè assertis, & argumentis. Si aer subintrat quoquomodo superiorem partem fistulæ, relictam a Mercurio, cur quantitas aeris penetrantis semper est eadem, Mercurio defluente: & defluente aqua, longè minor, semperque eadem fistula quantumvis longiore, & letiore? Quæritur insuper, quæ vi, clam me accuratius inspiciente, aer subintravit fundum aquæ, & Mercurii, vt per orificium infernum penetraret ad summitatem fistulæ: Cur, defluente aqua, & Mercurio per fistulas, euocatur per poros illarum, aer ambiens frigidissimus, nedum non calidus, nunquam eatenus admissus in vllis aliis experimentis? Venio ad exhalationem à Mercurio, quasi sit corpus, facillimè fatiscens in vapores: cui oppono experimentum hoc. In fistula vitrea, erecta super plano horizontis, præcipitavi Mercurium, aquam & cereuisiam, experturus, imò oculis visurus, quotam partem fistulæ occuparent aer, aut vapores elati, aut exhalati a præfatis liquoribus, & animaduerti, è cereuisia saluisse tot, qui occuparent quintam partem: ab aqua trigessimam, à Mercurio ducentessimam circiter eiusdem fistulæ: ita vt trium

liquo.

liquorum mercurius minimè omnium expiret aerem: exspiraret tamen copiosissimum ad motus igni. Argumentum verò à condensatione, & rarefactione ducitur ab experimento, non accuratè instituto, ac factò. Concedo, aliquid aeris penetrare ad partem supremam fistulæ, quod calore rareseat, & frigore densetur, si fistula minus cautè tractetur. Ego verò sepiùs expertus sum, nil aeris, stante Mercurio, saluisse ad partem fistulæ vacuam: non enim, vel minima portio aeris sursum agitur per cylindrum Mercurii, non conspicua intuenti in quo calui nil est, quod aut rareseat, aut densetur, prout sæpius expertus sum.

Tu ergo, mi Philosophè, pro tua dignitate velim accuratè perpendas, à me motas quæstiones, & pro tuo acumine soluas: quibus adiungo paucas, quæ obliquè dumtaxat, spectant quæstionem de Possibilitate Vacui. Quæro, cur conceduntur tot improbabilia, & penè euidenter impossibilia, ut vna Ocularis Demonstratio de Possibilitate Vacui obscureretur? Vtrum id omne, quod possibile est sciri, sciatur: ita, ut studium noscendæ veritatis occultæ, vertendum sit temeritati, Vtrum, secundum Aristotelem, & rei veritatem, is, qui in Philosophia nititur auctoritate Magistri, sciatur, an opinetur? Vtrum scientia etiam secundum Aristotelem, possit haberi sine cognitione causarum? Vtrum Aristoteles secundum fidem Christianam habuerit scientiam de Natura fueritque verus Philosophus, si quidem negauit Deum esse causam efficientem totius Naturæ? Vtrum Philosophia sit intellectio Ideæ, in quam Deus respicit, creans & mouens Naturam vniuersam in suos fines? Vtrum non sit erroneum, hanc Ideam extorquere a textu ignorantis, causam efficientem totius Naturæ? Vtrum secundum fidem Christianam conditionemque naturæ rationalis, liceat vestigare Ideam illam ex naturis creatis, immediatè consideratis sub radio Lucis mentium?

Ego in

Ego in quæstionibus de Doctrina Fidei comunico cum
 Urbis Episcopo , nullo argumento potiore commotus ,
 quam quod Cætus communicantium cum illo, solus ex
 omnibus, à Christo passo, fulgeat hominibus, mundo
 conspicuis vitæ sanctitate, & miraculis: nec tamen si ap-
 prime vellem, quirem secus iudicare. In reliquis vene-
 ror auctoritatem multorum Philosophorum, nullius ta-
 men eouſque, vt velim duntaxat credere illis. Volo ſci-
 re: ſcilicet, rem per cauſam cognoscere: neque deſpeto
 me ipſum. Illi qui conſcii virium propriæ mentis, malunt
 perennare in ſchola, ſub auctoritate Magiſtri, me quo-
 que auctore, non excedant diſcipulatum. Hi tamen haud
 congruunt docendis, & reuocandis à libertate ad eam
 diſciplinam illis, quorum non eſt eadem ingenii condi-
 tio. D. Paulus ſapientiam loquebatur inter perfectos,
 quandoquidem placuit Deo per ſtultitiam prædicationis
 ſaluos facere credentes, eo, quod in ſapientia Dei mun-
 dus Deum non cognouiſſet: nec tamen ſapientia Dei ob-
 ſtat fidei, quam Doctor gentium tradebat paucis, & per-
 fectionibus ex Chriſtianis. Qui à ſapientia Dei, quam nos
 nuncupamus Philoſophiam, timent fidei Chriſ-

tiæ oppoſitionem aliquam, credunt

ſubobſcurè. Hæc ſcribebam

Varſaviæ anno 1647. die

12. Septem-

bris.

V A L E R I A N I M A G N I

Fratis Capuccini

RESPONSIO

Ad Peripateticum Cra-
couiensem .

Vulgatur Libellus sub Titulo Peripatetici Cracouensis, quem approbavit Magnificus & Admodum Reuerendus Iacobus Vitellius Academiae Cracouensis Rector, Ille argumentatur contra meam Demonstrationem Ocularem de Possibilitate Vacui : Hic Patronos illius sententiæ denominat (sunt eius verba) *Nouatores, planam, & sanam doctrinam Aristotelis, ac receptam ab Ecclesia Catholica, conuellentem, & opinionibus nouis viam sectis innumeris sternentes, vel certitudinem sciendi tollentes, &c.* Virique satisfaccio .

Peripateticus Cracouensis infert fallaciam Demonstrationis Oculatis, tam in Geometricis, quàm in Physicis, abstrahendo à mea, quam exhibui de Vacuo . Huic concedo totum . Sub finem verò libelli me committit cum Antonio Maria Fratre Capuccino, viro erudito, & mihi amicissimo, argumētante pro impossibilitate Vacui. Huic non respondeo, quòd nil habeat contra expetimentà à me exhibita . Sed cur non directè ad fistulam? quam demonstro immunem ab erroribus quos noster Peripateticus tantopere pertimescit. Fateor, æterem in fistula vitrea nullum exhibere colorem, & consequenter Hominem ex non visione corporis non posse inferre Vacuum, quam oppositionem præueni in meo libello hisce verbis: *Quod*

erat demonstrandum ad oculum: nimirum, adiuncto oculo mentis. Nunc textum debuit Peripateticus accuratè perpendere.

Fateor (*inquam*) Vacuum non esse visibile oculo corporali: at visibile est oculo mentis Homini illius, qui oculo corporis intueretur meam fistulam, Id, cum multipliciter possim demonstrare, ostendo hoc unico modo,

Detur fistula longa ultra quinque quartas partes vlnæ Varfauiensis, & secundum artem exonerata illa parte Mercurii, quam Natura prohibitiua Vacui nequit suspendere, aio, partem fistulæ superiorem esse vacuum ab omni corpore: Peripateticus Cracouiensis negat, Quis dirimat hanc quæstionem? Ratio, adhibitis oculis. Rationem adhibeo hoc modo. Si penetratio corporum sit impossibilis naturæ, & fistula obturato orificio inuerratur quantumcumque celeriter, ita vt pars, quæ fuerit infima, sit suprema, necessariò, si præter Mercurium, contineat aliud quodcumque corpus, mercurius occupans superiorem partem fistulæ, non penetrabit corpus infernum, sed stabit super illud dum id sensim ascendit per Mercurium ad partem fistulæ supremam. Sin. verò pars illa vacet ab omni corpore, Mercurius, inuersa fistula, necessario ruit præceps ad partem inferiorem; scilicet nullo corpore præpeditus, visiturque Vacuum in parte suprema. Hanc rationem video oculo mentali, quam videt & vniuersus Peripatus: si quidem penetratio corporum est Aristoteli multò difficilior Vacuo.

Huic rationi adhibeo oculum; scilicet, acceptam realem fistulam vitream, cuius pars superior à me ponitur vacua, inuerto, & eodem penè momento video oculis partem supremam fistulæ vacuum à Mercurio qui illo ipsis momento cernitur occupare infimam, scilicet à nullo corpore præpeditus. Deinde acceptam eandem fistulam, cuius superior pars sit vacua, inuerto, & deobturato orificio aerem admitto, quo suppletam iterum inuerto, in
cuius

cuius suprema parte visitur Mercurius merus, ac purus, stans super aerem occupantem infimam, & sensim ascendentem per Mercurium ad supremam. Demum acceptam fistulam, cuius superior pars sit vacua, exonerò aliqua parte Mercurii, quam aere volo suppleri, & postmodum, obturato orificio eam inuerto: quo momento visitur in suprema parte fistulae residua pars Vacui, sub quo visitur & Mercurius. & sub Mercurio admissa portio aeris, sensim, ut dictum est, ascendentis per Mercurium. Hi ergo motus visi in fistula, si subsumantur praefatae rationi incommutabili de naturali impenetrabilitate corporum, inferunt existentiam Vacui. Ergo mea Demonstratio Ocularis, insistentis rationi aeternae, est immunis ab erroribus, qui elioquin possunt irrepere a fallacia oculorum corporalium.

Quoniam verò in dato Vacuo est lumen, quod patet ad oculum, quaeritur, ut in Vacuo producitur, utuè subsistit? sanè Aristoteles non patitur productionem formae sensibilis, nisi ex materia prima, si forma sit essentialis: vel ex subiecto corpore naturali, si forma sit accidentalis: quapropter nec corpus illuminans vitrum, nec vitrum illuminatum possunt extendere proprium lumen in spatium vacuum, maxime cum forma, quae non potest deferere subiectum, cui inhæret, & transire in aliud, multo minus possit relicto proprio subiecto, cui inhærebat, subsistere separata. Dicendum igitur, quod lumen in Vacuo est productum, vel a primo lucente, vel a vitro pariter lucente, ex nullo subiecto, quoduè lucens sit suapte natura fecunda productuum luminis, subsistentis sine subiecto cum essentiali dependentia a lucente. Hiscè porro concessis, ruit vniuersa Philosophia Stagiritica. Nam si lucens potest producere lumen ex nihilo subiecti, aut materiae, multo magis potuit, potestque Deus creare mundum ex nihilo subiecti, aut materiae. Hinc cadit aeternitas motus, & temporis, & praecipua pars Metaphysicae Aristotelis.

lis. Formæ verò cùm non educantur de sterili potentia materiæ, aut subiecti, sed productæ è natura fœcunda inducantur in materiam, seu in subiectum, subuertunt & eius Physicam: quasi doctrina Stagiritica, detrita longo vſu tot ſæculorum, exoleſcat tandem, & abſumatur.

Equidem prudens perpendo, quæ conſecutura eſſent occaſum Peripatus & nonnulla animaduerto non mala, t ametsi horrenda. Ignoraſſe ſi plurimis malum horrendum: Nonnullis ex generoſa indole duriuſculum eſt, quod aliuſſciat. Hæc duo ſi ſeponantur, reliquæ ſequelæ, ex occaſu Stagiritæ, conciliant Deo cultum, humano generi lumen veritatis, & Eccleſiæ Catholicæ laudem partæ veræ Philoſophiæ. Sanè me puderet noſtri, ſi non Chriſtianus, aut non Catholicus cogeret nos vi mentis, & vi veritatis abiurare Ariſtotelem, & inire nouum diſcipulatum ſub magiſtro non Chriſtiano, aut non Catholico. Numero annos quadraginta à primo meo conatu contra Ariſtotelem, non pruritu nouandi vetera, ſed cognoscendi Creatorem meum, quem lumine rationis cernebam, at inuolutum tenebris palpabilibus quas mihi, licet oculatiſ perſpicienti, offundebat auctoritas Ariſtotelis, nimium commendata, ac venerata. Verùm mihi inuocanti gratiam Spiritus S. & placita ſapientium, & contribuenti tantillum operæ meæ ad facinus tam Sanctum, tamuè præclarum, id accidit, quod non credidiſſem. Sepoſita Italia, ac Germania, conceſſi in Poloniam, ratus, libertatem Sarmaticam, & indolem Polonicam excuſſura iugum Stagiriticum, cum intellexerit erroneum. Sed impingo in difficultatem aliquam: quæ ea ſit, dicam. Nil in Philoſophicis æſtitatur frequentius, quàm diſputare in vtramque partem contradictionis, non ſolum illa, quæ aliena ſunt a mète Ariſtotelis, ſed & a fide. Quæritur paſſim, an ſit Deus? & proferuntur ea argumēta contra Diuinam exiſtentiam, quæ videntur eſſe validdiſſima:

diffima: hac enim pugna veritas impetita, illucescit pertinacius. Ego verò adducto vnico experimento pro Possibilitate Vacui, non possum extorquere respōsionem amicam, sed execrationem publicam. Heu, quam fallimur in nostris cogitationibus! Existimabam me ita accersitum ab illis, quorum interest, quatenus me audirent coram de verbo hoc, & expenderēt pondera, imò momenta rationum, ex quibus pendula sit vniuersa Philosophia Aristotelis: Non enim Iagello Rex Poloniæ instituit septem Cathedras docendæ Philosophiæ Aristotelicæ, siue ea deprehendatur vera, siue falsa. Si pugna scolasticorum sint inquisitiuæ veritatis, non derectarent illa argumenta, quæ euertūt Thesim. Quis est inter Academicos (cū sit mos omnium Academiarum) cui non liceat argumentari contra Vacuum? nemo omnium; At cur non licuit Valeriano? Fortassis, quia suo argumēto euertit impossibilitatem Vacui. Hęc sufficiant Peripatetico Cracouiensi.

Id porro, quod concernit supra expositam Approbationem, reduco ad duo puncta: Cum primis dico, numerari inter vituperatos Nouatores, ac sectarios Valerianū Fratrem Capuccinum: Adm. Reuerend. P. Mersenum Ord. Minimorū Theologum: D. de Roberual Mathem: Scient. in Collegio Regio Franciæ Professore: D. de Paschal præcipuæ nobilitatis virum: D. Euang. Turricelium Magni Duc. Ætruriæ Math. Scientiarum Professore primarium, viros clariss. Ego Valerianus existimo, candorē meæ doctrinæ non posse denigrari illa censura. Reliquorum vnusquisque viderit, quomodo consula t suæ famæ.

Secundum punctum exponit, quomodo Philosophia Aristotelis sit recepta ab Ecclesia Catholica. Dico igitur, à nato Christo vsque ad annum circiter 1164. in quē incidit mors Petri Lombardi Magistri Sententiarum, auctoritatem Aristotelis nunquam fuisse adhibitam in Theologicis, & obscurè vsurparā in Philosophicis. Apud Magistrum Sententiarum nullus allegatur Philosophus

argumenta petuntur a sacro textu, à Patribus, a Conciliis, à ratione suoptè iudicio inducta: multò minus Aristoteles legitur allegatus a Dionysio Arcopagita, qui ante Magistrum Sententiarum prælegebatur studiosis Theologiæ. Sic actitatum est in Ecclesia totis 1164. annis. In Philosophicis verò Plato est adhibitus prælatus Aristoteli, Circa quod tempus Auerroes; cognomento Commentator, scilicet Aristotelis, crexit Philosopho illi Cathedram in Hispania, ex qua propagatus est Peripatus per totam Europam, id ægerrimè ferentibus Romanis Pontificibus: vnde factum; quod in Concilio Lateranen. secundo sub Leone X. publicatum sit hoc Decretum, A.D. 1513. 19 Decemb.

Cumque verum vero minimè contradicat, omnem assertionem, veritati illuminata fidei contrariam omnino falsam esse definimus, & ut aliter dogmatizare non liceat, districtius inhibemus, omnesque huiusmodi assertionibus inherentes, tanquam hæreticos vitandos & puniendos fore decernimus. Insuper, omnibus & singulis Philosophis in Vniuersitatibus studiorum generalium, & alibi publicè legentibus, districtè precipimus, ut cum Philosophorum principia, aut Conclusiones, in quibus a recta fide deuiare noscuntur, auditoribus suis legerint, seu explicauerint, quale hoc de immortalitate animæ, aut vnitæ, & mundi æternitate, ac alia huiusmodi, teneantur eisdem veritatem religionis Christianæ omni conatu manifestam facere, & persuadendo pro posse docere, ac omni studio huiusmodi Philosophorum argumenta, cum omnia solubilia existant, pro viribus excludere, atque resolvere. Hæc verò sufficiant.

DE VACVO³¹

Narratio AE.ⁱ P.ⁱ de Roberual,
Ad Nob: Virum D.
des Noyers.

DE Vacuo, quod in rerum natura facile dari per multi autumant, adducto ad id comprobandum, nobili experimento hydrargyri tubo inclusi, modo, qui iam omnibus satis notus est: Ignoscat mihi R. P. Capuccinus Valerianus Magnus si dixerò, illum parum candidè egisse in eo libello, quem de hac re in lucem nuperrimè emisit mente Iulio huius A. 1647. dum celeberrimi huiusce experimenti, ille primus author haberi voluit. Quod certo constat iam ab A. 1643. in Italia vulgatum fuisse, ac ibidem, præcipuè verò Romæ, atquæ Florentiæ, celeberrimas inter eruditos de ea re viguisse controuersias, quas non potuit ignorare Valerianus, qui circa eadem tempora illis in Regionibus degebat, & cum doctis illis conuersabatur. Habeo ego Epistolam, quam clariss. Vir Euang. Turricellius Magni Ducis Hetruriæ Mathematicus, misit Romam ad amicum suum doctiss. Virum Angelum Ricci sub finem Anni 1643. Italicè scriptam: quæ nihil aliud continet quam controuersiam inter duos illos viros egregios, qui, quod & ferè omnibus accidit, de tali experimento diuersa sentiebant. Ea autem Epistola: cum quibusdam aliis ab ipso Ricci missa est Parisios ad R. P. Merfennū Ordinis Minimorum, sub initium Anni 1644. qui eo ipso anno Romam profectus est, ubi & Valerianum ægotantem tunc inuisit, & cum eo quædam nostrorum opera recens edita, communicauit. Sed & in eadem Epistola ex discursu apparet, mi-

nimè nouum tunc fuisse illis experimentum, sed iam multoties repetitum. Tentatum quidem illud fuit ab ipso Merfeno statim post acceptam Toricelli de ea re Epistolam: verùm defectu Vbi ad id satis apti, nihil tunc fieri potuit; ac non multo post ipse in Italiam profectus est: atque obiter Florantiæ apud Toricellum vasa, & tubos prædictos vidit, & contrectauit. Idem autem reuersus sub finem A. 1645: rem omnem vulgauit: neque tamen eo Anno, aut sequenti tubos aptos Parisiis recuperare potuit; tum quia ibi tales non fabricantur; tum etiam quia ipse toto ferè eo tempore per meridionales Regni Gallici partes peregrinatus est. Tandem ergo idem scripsit Rothomagum ad Amicos suos: ibi enim celeberrima habetur vitri, & Crytali officina. Sed antequam is inde tubos habere, vulgatum fuerat & ibidem experimentum, ac plurimis modis cum priuatim coram Amicis, tum publicè coram omnibus Eruditis multoties exhibitum a Nobiliss. Viro Domino de Paschal, mense Ianuario, & Februario huius anni: neque id solum beneficio hydrargyri in tubis minoribus, puta 3.4 aut 5. pedum regionum mensuræ nostræ: sed, quod mirandum multis videatur, beneficio aquæ, & vini in tubis 40. pedum, ex crystallo mira artes fabricatis, atque ad malum Nauis alligatis, quod Machinis ad id paratis, ita libratum erat, vt & attolli, & de primi ad vsum requisitum, facile posset. Et quidem occasio, cur ad tantam altitudinem recurreret, talis fuit.

Cùm viderent omnes hydrargyrum merum, nulla aqua adhibita, nec in tubo, nec in scutella subiecta, ita in tubo descendere, relicto superiori spatio tubi veluti vacuo, vt tamen semper occuparet: n. inferiori parte tubi altitudinem pedum duorum & septem partium viginti quatuor proximè mensuratam secundum perpendiculum supra superficiem hydrargyri in scutella subiecta contenti, quantacunque pars Tubi in scutella immer-

sa esset, & quantacunque extaret: illi, ut par est, in re noua, ignotis causis, in diuersas sententias abierunt. Quidā enim merum in tali spatio vacuum relinqui arbitrati. suā sententiam facile defendebant contra aliorum obiectiones, at nullatenus astruebant, deficientibus rationibus, quibus nullum corpus, neque etiam subtilissimum, in tale spatium subingredi conuincerent. Quidam præcipuè Peripatetici, qui magistri sui Aristotelis, non rationibus, quæ nullæ sunt, sed verbis mordicus adhærent, contendebant paruulam quandam, eamque forsan sensu imperceptibilem, aeris guttulam remansisse, quæ postea eousq; rarefieret; ut sic naturæ laboranti opitularetur. At illi patum proficiebant, quia in diuersis tubis latioribus, eadem semper altitudo hydrargyri relinquebatur: Ideoque illa altitudo ad rarefactionem inducendam, & conseruandam, æquales vires semper obtinebat; cum tamen nunc minor, nunc maior fieret rarefactio, ad quam proinde nunc minorem, nunc maiorem hydrargyri vim requiri consentaneum videbatur. Adde, quòd adhibito tubo stricto quidem, se qui in parte superiori dilataretur instar lagenæ, quæ 18. libras hydrargyri contineret, eoque debito modo impleto, atque deposito, ut fit in aliis tubis, relinquebatur tota ista lagena ab hydrargyro vacua, cū parte superiori Tubi, donec illud in inferiori parte, sub altitudinæ prædicta pedum duorum & septem partium viginti quatuor quiesceret: nec quisquam in animum inducere poterat, posse insensibilem aeris guttam, a pondere 2. vnicarum hydrargyri in tubo remanentis, eam trahente, eo adduci, ut in tantum lagenæ spatium rarefieret; videbaturque secundum illam Philosophiam, hydrargyrum potius debuisse altius ascendere ad spatium illud occupandum; præcipuè, quia inclinato sensim tubo, donec altitudo verticis illius, perpendiculariter sumpta, esset pedum 2. & 7. partium 24. *m* aut minor, ille rursus totus hydrargyri replebatur: nihilque omninò sæpissimè,

ant aliquando minimum quid extranei, præter hydrargyrum, intra tubum, aut lagenam animaduvertebatur: Quod tamen extraneum, si quod erat, occluso tubo, tum inuerso & rursus recluso, ad os tubi ascendebat; Et infusa noua hydrargyri, gutta, fugabatur, vt sic iterando aliquoties, si ita opus esset, merum hydrargyrum apparet; quod tamen, erecto rursus tubo supra scutellam, idem quod prius, saltem ad sensum, spatium veluti vacuum relinquebat: & iterum, inclinato, replebat. Cumque erecto tubo vacuum appareret, si immisso in hydrargyrum scutellæ digito, tubus occluderetur, & inde attolleretur, apparebat semper vacuum, vt prius: at inuerso tubo, cadebat hydrargyrum cum strepitu inundum Tubi; & statim vacuum versus digitum apparebat in superiori parte tubi; Atque ita alternatim, inuerso tubo, ita vt digitus ipsum strictè occludens, nunc in superiori parte existeret, nunc in inferiori; semper apparebat in parte superiori vacuum: idque statim, nulla interposita mora: nec præter hydrargyrum, quicquam intra tubum cernebatur. At antequam Tubus ex scutella extraheretur, si ille sic inclinaretur, vt apex illius ad altitudinē prædictam pedum 2. & 7. partium 24. m. precisè perueniret, nullum adhuc vacuum eo in statu cernebatur, cum tamen sic hydrargyrū totam suam altitudinem obtineret; atque ideo etiam & omnes suas vires exerceret, ad aerem, si quis esset, trahendum ad se & sensibilibiter rarefaciendum. Imò, admissa sponte, in tali inclinationis statu, aeris gutta, (quod facile est) illa ab omnibus, & dum in tubum per hydrargyrum ascenderet, & dū eo superato in summo ipsius nataret, facile cernebatur. Sique eadē satis ampla existeret, inclinato magis, ac magis tubo, magis ac magis cōprimebatur: quippè ad igenium redibat; quia ab hydrargyro minus alto, minus trahebatur; minusque rareficebat. At è contrario, dū tubus sensim eleuaretur, fieretque hydrargyrum altius, atque ideo ad trahendum, & rarefaciendum aerem,

aerem, potentius; tùm gutta aeris magis dilatabatur: & tunc, erecto ad perpendiculum tubo, hydrargyrum ad prædictam altitudinem non omninò ascendebat. Quoque plus aeris prius admissum erat, dum tubus inclinaretur eò minus hydrargyri in tubo erecto relinquebatur. Neque tamen hac ratione, fieri vnquam potuit, vt aer magis rarefieret, quàm vt octies amplius spatium occuparet, quàm illud quod eidem in libero statu deberetur, Quibus omnibus experimentis colligebatur, guttam insensibilem à prædicta vi pedum 2. & 7. partium 24. *m* hydrargyri rarefactam, nò potuisse totam lagenam 100000. maiorem replere, neque etiam ab eadem vi minimè mutata, potuisse diuersos rarefactionis gradus, in eandem aeris guttam ad diuersa spatia replenda, immitti: nec proinde talem opinionem stare posse, nisi apud eos, qui non luce veritatis, sed tenebris ignorantiae delectarentur, vt Andabatarum more, clausis oculis depugnarent.

Præ cæteris autem hoc mihi, & multis aliis stupendum visum est, dum Parisiis circa tale experimentum exerceter. Inclinaui Tubum in scutella subiecta, sic vt ipse hydrargyro repletetur, & per os, quod inferius erat intra scutellam, quodque paululùm eleuaui vsque ad superficiem hydrargyri in scutella contenti, guttam aeris admisi, & statim idem os rursus in hydrargyrum immergi, ne plus aeris hauriret, quàm par esset: ascendit ergo gutta aeris intra tubum, per medium hydrargyrum, quousque in summo illius nataret: Tum tubum ad perpendiculum erexi; & vacuum apparuit more solito. hinc supposito digito intra scutellæ hydrargyrum, os tubi occlusi, & tubum, vna cum hydrargyro, aere, & vacuo abstuli, omnia simul digito, & manu sustinens atque ostentans iis, qui adstabant: hinc quam porui celerrimè tubum inuerti, vt digitus fieret superior; ac tunc, velut in instanti apparuit vacuum versus meum digitum multò prius,

prius,quàm aeris gutta illuc ascenderet:hæc enim gutta; videntibus,omnibus sensim per hydrargyrū ascēdit,& ad vacuum superius peruenit,vt sic inferiori parte tubi merum relinqueretur hydrargyrum.Rursus autem celeriter tubum inuerti, & statim, cadente hydrargyro in meum digitum non sine aliquo doloris sensu propter impetum, quamquam non altus esset casus. Vacuum in superiori parte tubi apparuit: gutta autem aeris, non nisi sensim eodem ascendit:Et sic factum est toties, quoties ego tubum inuerti:Vnde omnes exclamarunt,tale vacuum non esse aerem.Sed & idem ego cum gutta aquæ:& idem rursus cum gutta aquæ,& gutta aeris expertus sum,ac idem semper apparuit.Oportet autem ad hoc, tubum non admittere plus quàm sex digitos vacui, alias hydrargyrum vel digitum læderet,vel tubum in petu frangeret;quibus tamen periculis sublatis, poterit eligi tubus quicunque maior, & elegantius euadet experimentum. Sed iam Rothomagum redeamus.

Post Aristotelicos,non pauci,qui cæteris multo oculatiores sibi videbantur;ex iis scilicet,qui cogitata sua,non minùs quàm nudam veritatem depereunt,ad hydrargyri naturam recurrentes,quam spiritibus abundare constar; non cunctanter affirmarunt,tale spatium in vertice tubi relictum veluti vacuum,non reuera vacuum esse, sed totum a spiritibus illis obrineri. Verùm illi primò quidem rationibus,quibus Aristotelici & quidē iure,refellebatur quippè quod ex maiori aut minori copia hydrargyri,produci debuisset maior,aut minor copia spirituum; præcipuè in diuersi tubis diuersæ latitudinis,& altitudinis;sicque hydrargyrum in tubis quidem aliis autem humilius stare debuisset, nec seruare æqualitatem illam pedum 2. & 7. parrium 24. m. Cùm tamen illis obstinatiùs opinionem suam extollerent; vt iam eorum vnus,quem cæteri veluti ducem sequebantur, libellum viginti quatuor horarum conspat editum inlucet emiseric, de mirabilibus

Mercuri? (sic enim hydrargyrum vocant) proprietatibus ;
 Cēsuit D. de Pascal alia ratione eis occurrēdum esse. Cur-
 raui igitur, duci ex Crystallo tubos 40. pedū; eosq. Malo
 alligari, & machinas instrui, vt iam dixi; constitutoque
 die ac loco amplissimo in area officinæ Vitreariorum, in-
 uitaui omnes, vt adessent, mira conspecturi. Adfuerunt,
 atque vna cum illis Scriptor ille suis affectis vndique sti-
 patus; Inierat autem priuatim solertiss. D. de Pascal, cal-
 culū de aqua, & vino cum hydrargyro comparatis
 secūndum grauitatem; vt inde debitam vnique alti-
 tudinem eliceret, ad hoc vt in iis altitudinibus æquipō-
 derarent: repereratque posita altitudine prædicta hy-
 drargyri pedum 2. A .7. partium 24. m, debēri aquæ pe-
 des 31. & vna nona circiter: Vino autem pedes 31. &
 duæ tertiæ proximè. Itaque antequam quicquam sui
 propositi aperirer, interrogauit egregios illos sapientes,
 nec difficulter ab iis elicit, maiorem in vino quàm in
 aqua spirituum copiam reperiri; ideoque fore, vt, si ex-
 perimentum fieri posset in iis liquoribus (fieri autem
 posse satis apertè negabant) vinum plus spatii, quàm
 aqua, relicturum esset in apice tubi, positis tubis eius-
 dem altitudinis. Hoc concessō, ostensus est eis malus ia-
 cens cum tubis alligatis: quibus, altero aqua, altero vi-
 no, repletis, & oribus occlusis, erectus est Malus, & si-
 tulæ oribus ipsis Tuborum admotæ, quarum altera vi-
 no, altera aqua plena erat; in quas immersa erant tubo-
 rum ora, tubis semper plenīs remanentibus, donec ora
 eorum recluderentur; quibus apertis, statim ambo illi
 liquoreus in tubis contenti sic depressi sunt, vt postquā
 quiescerent, staret altitudo aquæ in suo tubo, supra super-
 ficiem alterius aquæ in situla subiecta contentæ, pedibus
 31. & vna nona circiter. Vinum autem paulo altius, puta
 31. & duabus tertiis proximè, remanentibus tuborum, re-
 liquis partibus superioribus veluti vacuis: omninò si-
 cuti in hydrargyro deprehensum erat. Rursus autem
 mutati

mutati sunt liquores in tubis, vt qui prius aqua is postea vino repleretur, & vicissim: nec ideo quidquam in experimento mutatum est circa vtramque altitudinem. Inclinator est Malus sensim, & sensim vterque tubus replebatur, ascendente liquore, vt super obtineret prædictas altitudines, secundum perpendicularem mensuratas. Facta est quoque observatio in tubo 15. pedum; partim aqua partim hydrargyro repleto: ac tum, quoties ambo illi liquores simul plus ponderabant quam altitudo pedum 2. & 7. 24. *m* solius hydrargyri, aut quam altitudo pedum 31. & vnus nonæ, solius aquæ, quod eodem recidit; toties, posito in scutella subiecta mero hydrargyro, ambo liquores in tubo sic descenderunt, vt hydrargyrum quidem inferiorem ubi partem supra scutellam occuparet, secundum altitudinem; quæ minor esset pedibus 2. & 7. 24. 5; supra hydrargyrum extaret aqua, quæ altitudinem hydrargyro deficientem sic compensaret, vt ipsius aquæ altitudo contineret 13. & 4. 7. *as* partem altitudini hydrargyri deficientem: tùm supra aquam reliquum tubi remaneret veluti vacuum. Et quamquam ad hanc observationem adhibitus publicè fuerit tunc tubus 15. pedum; tamen illa postea, in tubis quoque 4. aut 5. pedum facta est æquè eleganter. Namque ad hoc sufficit, vt, dum initio hydrargyrum in tubum infunditur, illud non impleat quidem totum tubum; at idem altitudinem obtineat maiorem pedibus 2. & 7. 24. *is*, reliqua verò pars tubi aqua repleatur: sic enim res semper bene habebit, modo in scutella subiecta merum sit hydrargyrum. Nam si huic imponatur aqua. aut si tubus aquæ immergatur, siue totus, siue ex parte tantum; tunc in omnibus observationibus, siue merum hydrargyrum tubo includatur, siue cum eo immittatur aqua, ambo illi liquores in tubo altius ascendent, quàm supra dictum est: & au-
stio illa

Etio illa continebit vnā partē qualium altitudo aque hydrargyro scutellæ superpositæ continebit 13. & 4. 7. *as* quandoquidem grauitas aquæ ad grauitatem hydrargyri, sub æquali mole, se habet vt 1. ad 13. & 4. 7. *as*. His & multò pluribus obseruationibus diuersimodè multa cum diligentia exhibitis, & quater publicè repetitis, occlusum est os misellis illis sciolis. Neque tamen idè quicquam certi statui potuit circa spatium illud, quod apparet veluti vacuum, in quo sic motus successiuus corporum, & per quod transit lumen vna cum coloribus. Expectamus ergo dum tubi fabricentur, in quos quædam animalia intromittere possimus, vt videamus, an ibi viuere, ac præcipuè, an volare possint. Si enim volent, procul dubio corpus est, cui alæ eorum innitentur: alias merum videbitur vacuum, vt ab eo permulti tantoperè abhorreant, vt quiduis potius quàm tale spatium sine corpore admittant. Nec desunt, qui maluerint ad materiam quendam subtilissimam recurrere, in qua & aer, & cætera corpora tam dura quàm fluida innatent, dum per eorum omnium poros illa facillimè, & nulla propè resistentia penetrat, prorsusque omnia replet spatia. Quod quidem, quia gratis affirmant, semper licebit gratis negare; dum illi huiusmodi materiæ existentiam firmis rationibus stabiliant. Præsertim verò quia multis non difficilius videtur meri vacui, quàm talis materiæ existentia, cuius necessitas aut vsus in rerum natura nullus apparet.

Quidquid sit in eo iam fere omnes conueniunt, quod, nisi merum illud sit Vacuum, atque certè id eorum corporum vacuum est, de quibus in Philosophia Peripatetica sermo habetur: Puta Terræ, Aquæ, Aeris, Ignis, & Cæli: quoque in liquore, qui in obseruatione adhibetur, solius grauitatis, non autem alterius qualitatis habenda sit ratio.

Cæterum non omittendum est, factam fuisse ab eodem D. de Pascal hydrargyri obseruationem in tubis re-
 cutuis, quos communiter siphones vocamus: quibus
 hydrargyro repletis, tum ita inuersis, ut ambo orifi-
 cia in hydrargyrum duabus scutellis contentum immer-
 gerentur, ventre siphonis in aere extante versus su-
 periotem partem: si quidem venter ille supra hy-
 drargyrum scutellæ vtriusque minus ascenderet quàm
 pedibus 2. & 7. 24. *is* perpendiculariter sumptis; es-
 sentque scutellæ cum suo hydrargyro, secundum ean-
 dem superficiem horizontalem, dispositæ, habita ra-
 tione superficiæ superioris vtriusque hydrargyri in scu-
 tellis contenti: tunc stabat immotum totum hy-
 drargyrum, tam in siphone, quàm in scutellis con-
 tentum. Si verò altera scutellarum altera altior es-
 set; tunc ab altiori hydrargyrum per tubum ascende-
 bat, & in depressiorem defluebat, donec, vel to-
 tum exhauriretur, vel ambæ superficies hydrargyri
 in scutellis contenti, ad horizontem, in vnâ su-
 perficiem librarentur. At si venter siphonis supra vtri-
 usque scutellæ hydrargyrum altior esset, quàm pedibus
 2. & 7. 24. *is* perpend. tunc, quod minimè exper-
 tis videbatur miraculum, ex vtroque crure siphonis,
 hydrargyrum in scutellam suam eò vsque recidebat,
 quousque remaneret altitudo toties iam dictam pedum
 2. & 7. 24. *m.* supra hydrargyrum vtriusque scutellæ; siue
 ipsum in vtraque scutella in eodem plano horizontali
 staret, siue non: Venter autem siphonis apparebat ve-
 luti vacuus inter duas partes hydrargyri hinc inde in
 cruribus siphonis contentas: quo in statu cessabat omnis
 motus. Tandem si venter siphonis supra vnus scutellæ
 hydrargyrum minus altus esset, alterius verò, vel æquè
 altus, vel altior mensura prædicta: tunc, pro varia al-
 titudinis differentia, variæ phasæ conspiciebantur,
 quas recensere nimis longum esset. Nec dubium fuit,
 quin

quin idem omninò in aqua, vel in alio quouis liquore fieret, si siphones debitæ altitudinis adhiberentur. Ne quis ergo putet in posterum, aquam ex vno latere montis quantumvis alti, posse, superato montis vertice, beneficio siphonis firmissimi, deduci in vallè opposito montis lateri subiacentem: hoc enim supra altitudinem pedum 31. fieri non potest. Neque etiam suprâ hanc altitudinem ascendet aqua in tubis illis, qui communiter in puteis applicantur ad suggendam, & attollendam aquam, si machina adhibita suggat tantùm, non autem premat: nam premendo, poterit sanè aqua altiùs pelli, si machina debitè constructa sit, ac disposita.

His animaduersis, inter multas quæstiones, duæ nobilissimæ inter eruditos agitari cæperunt. Prima, qui fieret, vt liquor, qui obseruatione adhibetur incerta quadam altitudine supra subiectum sibi in scutellâ liquorem, veluti inter vires quasdam contrarias libratus sustineretur, habita ratione ponderis ipsius liquoris, ad altitudinem ipsius in tubo determinandam? Secunda, qui fieret, vt quiescente liquore in debita sibi altitudine; si vel gutta ab eo descendat, admissa scilicet per os tubi quadâ cuiusvis aliùs leuioris gutta; tunc reliquos liquos in tubo contentus, ad summum tubi subitò, & si hydrargyrum fuerit, magno cum strepitu ascendat; & tanta vi in ipsum fundum superius impingat, vt multos tubos, præcipuè ex longioribus, fregerit, atque in aerem longè supra tubum exilierit: sique tubus illæsus supersit, rursus descendat liquor, & post aliquam motuum contrariorum reciprocationem secundùm ascensum, & descensum, quæ reciprocatio omnibus fermè experimentis familiaris est, quiescat: tum dimissa alia gutta, ascendat rursus, minus tamen violenter: atque ita alternando per aliquot vices, donec totus liquor grauior ex tubo dimissus fuerit, & leuior in locum illius ascenderit? Sed, quia ricca has quæstiones erudiri diuersissima

sissima sentiunt ; & discussio opinionum longa est ;
 ideò expectabo super hac reliteras tuas , ac tunc , si
 ita tibi videbitur , ultra progrediar , & si quid
 noui interea acciderit , quod tibi placitu-
 rum putem , illud narrationi adiun-
 gam. Vale Vir mihi colen-
 dissime , & me , ut hu-
 sque fecisti , in po-
 sterum amare
 perge .

Parisiis 12. Cal. Octobor: Anno 1647.

De Inventionē artis exhibendi
Vacuum.

NARRATIO APO- LOGETICA

VALERIANI MAGNI
FRATRIS CAPVCCINI,

Ad

Nobilem & Clarissimum Virum
AE. P. DE ROBERVAL.

Quod hoc anno 1647. 12. Iulii Varaviae Typo
vulgauerim, me esse primū, qui publicavi
Vacuum, exhibitum in Fistula vitrea, vertis,
Vir doctissime, defectui candoris, quippe quod
hoc ipsum ab anno 1643. in Italia vulgatum
fit, præcipuè verò Romæ, & Florentiæ; ac ea de re di-
scutatum inter doctissimos viros, Euang. Turricellium,
& Angelum Ricci, cuius Epistolam de ea quæstione A:
R. P. Mersennus Ordinis Minimorum miserit Parisios:
Ego verò illis temporibus, quibus hæc agebantur, fue-
rim Romæ, conscius omnium, & conuersatus cum do-
ctis illis. Hiscè adiungis experimenta Vacui, eodem ar-
tificio celebrata Rothomagi à Nobilissimo Viro D. de
D Paschal

Paschal mense Ianuario, & Februariolabentis anni 1647. ac demum Parisijs tua industria non solum exhibita, verum etiam aucta obseruationibus accuratioribus. Hiscè me agis reum laudis vsurpatæ, quæ non mihi, sed alijs debeat: Ego verò te redarguentem sic interpello.

Veni Romam 28. Aprilis anni 1642. Indè discessi prima Maij 1643. & eo ipso anno menses Iunium, & Iulium exegi Florentiæ: inde concessi in Germaniam primum, deinde in Poloniam; ac demum redij ad Urbem ineunte anno 1645. vnde discessi eodem anno mense Septembri, redux in Poloniam.

Romæ non vidi, neque vnquam noui ex nomine Angelum Ricci: Florentiæ Euang. Turricellium nec vidi, nec nomine tenui vnquam cognoui: non quia viris illis desit claritas nominis, sed quod ego sim obscurus illis. Florentiæ habui commemorationem frequentem etiam cum Sereniss. Principe Leopoldo de pertinacia Peripatus in sententia Aristotelis contra ipsum visum, & tactum: imò quæsitum ibi, an consultum foret meæ Philosophiæ, si ea ex illa Ciuitate, sub auspicijs Sereniss. Magni Ducis Æturiæ, prodiret in lucem, nec tamen aliquando sonuit mihi in illa Vrbe vox ista, Vacuum.

Romæ A. R. P. Mersennus annò 1645. nil mecum contulit de hoc experimento:

Cæterum, nil de hoc experimento vidi, aut typo, aut scripto exaratum, aut per epistolâ inter amicos communicatum. Consilium ergo de superanda impossibilitate Vacui, incidit mihi apud Galilæum, quod aqua nequeat per attractionem ascendere in fistula vltra cubitum decimum octauum, & ab vsu libræ Archimedis, quam Cracouiæ anno 1644. dono accepi a Tiro Liuiio Buratino, viro erudito in Mathematicis; quâ occasione cognoui proportionem granitatis inter aquam, & mercurium esse 1. ad 13. proximè: nec fuit tanti acuminis intellexisse, tubû cubitorû viginti, si aqua repleatur, red-

diturum duos : sin vero contineat argentum viuum , re-
tenturum tertiam decimam partem cubitorum octode-
cim. Anni sunt octo, quibus variè præpeditus , frustra di-
spono fabricam fistulæ ultra cubitos octodecim , & qua-
tuor (scilicet ab usu libræ Archimedis) quibus quæro
tubum vitreum altitudinis trium cubitorum . Biennium
est elapsum à prima diligentia: nec tamen officina vitrea-
ria propè Cracouiam aut voluit , aut potuit dare fistu-
lam congruam operi disposito . Adhibui ligneam, quam
etiam num habeo , cernente inter alios Nobili viro Do-
mino Hyeronimo Pinocci, liberalium artium cultori exi-
mio . Verùm Mercurius stetit in illa, longè infra altitu-
dinem debitam; eamque per singulas vices variabat, pro
varia copia aeris attracti per poros ligni: quibus tamen
non obstantibus, alia fistula ex eodem ligno fabricata, cu-
ius longitudo non æquabat quinq. partes quattas cubiti,
nil mercurii , quo fuerat repleta , reddidit vnquam: &
expertus sum, pondus mercurij ex fistula , peruia aeri,
premere digitum obturantis orificium infernum conatu
penè incredibili : secus , mercurio in fistula vitrea sus-
penso a virtute prohibitiua vacui .

Demum, cùm Gaspar Brenorius Venetus, qui apud
Reges Angliæ , Daniæ , & Sueciæ suam in fabrica vitri
celebrauit artem, euocatus Dantico à Serenissimo Rege
Poloniæ , venit Varfauiam , ab illo humanissimè accepi
plures diuersæ altitudinis , & diametri tubos , ex qui-
bus aliquos , quorum altera extremitatum protuberat :
promiseratq. Regi alios longitudinis cubitorum trigin-
ta: sed Brunorio coacto alio transferre fornacem , adhi-
bui interea metallicum .

His ergo exhibui experimenta Vacui, Typo euulgata,
non tamen in eum finem, vt docerem possibilitatem Va-
cui, sed vt inde arguerem falsitatis prima principia Phy-
sicæ Aristotelicæ: quapropter gaudeo , experimenta hæc
esse antiquiora inter vestrates, firmarique vestra quoque

auctoritate. Vitam quæto ex veritate, non laudem: at nolim ex inde vituperium primæ inuentionis, mihi arrogatæ contra meam conscientiam: in quem finem atque duo fragmenta Epistolarum.

Ad R. P. Simplicianus a Mediolano ex Vicecomitum familia, nostri Ordinis Commissarius, & Procurator Generalis in Vibe, mihi nuntianti sæpefacta experimenta respondet. 7. Septembris proximè præteriti, in hæc verba latinè reddita: *Legimus cum nostra delectatione singularissima, ego, & alii Patres, hic Romæ commorantes, librum tuæ Ad. R. Paternitatis, quem aliis quoque extra Monasterium communicauimus, præcipuè vero Illustriss. ac Reuerendiss. Domino Vicesgerenti, & omnes existimamus, illum esse partum dignum, &c.* Sunt in nostro Conuentu Romano ducenti circiter Cappuccinorum: duo studia, vnum Philosophiæ, alterum Theologiæ, præter alios præcipuos Patres, qui passim eo conueniunt ex toto Ordine, nec tamen vnus extitit, qui experimenta illa aliundè scisset, quàm ex meo libello.

Adm. R. P. Petrus Martyr Vistarinus Doctor Theologus Ordinis Dominicanorum, litteris Papiæ datis præterito mense Septembri, his verbis me affatur. *Vltima Epistola, quam accepi à meo fratre, reddidit mihi vnum exemplar Demonstrationis ocularis de possibilitate vacui: Res sanè, quæ primo aspectu visa est ridicula: quapropter rescripsi, me timuisse, ne deesset applausus, qui alioquin Auctori debetur. Sed mihi cedat, Demonstratio illa ponderata, & accuratè examinata à Doctore publico meo Collega, cum induxit ad præparandum necessaria pro iisdem experimentis, disponitque Typis euulgare conformia: &c.* Est Papiæ Studium vniuersale præcipuum totius Italiæ, nec tamen innotuit illis quid Turriceilius, quid Ricci secum ipsi, aut cum aliis disputarent, aut scriberent de hoc argumento.

Accedit D. Alexander Mazzi Medice s, vir præcipue nobilitatis, qui mense Augusto præterito, concitus fama exhibitæ spectaculi, me hic Varsaviæ accessit, ac rogauit, vt illud ipsum repeterem eo spectante, postulauitque exemplaria meæ Demonstrationis & Epistolam meam ad Sereniss. Principem Leopoldum, gaudebatque fore se nuncium tantæ nouitatis.

Bienio ab hinc R. P. Ioan. Baptista Adrianus *Societ. IESV* discessit Roma, vbi docuerat Rethoricam, venitq. Varsaviam, ibique spectauit experimenta Vacui, velut inaudita: Ergo Capuccinum nesciuisse quid Romæ innouatur in Philosophia, est possibile: si quidem id ignorauit Collegium Romanum *Societatis IESV*.

Quid plura? sunt apud nos plures Galli, ex quibus multi ingenio, & eruditione clari, qui Demonstratio- nem meam laudarunt, præcipue à nouitate. Ignoscat ergo Tua Prudentia Valeriano, si id, quod suoptè iudicio adinuenit, & perfecit, ignorauit fuisse prius factum ab aliis. Meus textus excipit priuatam scientiam de hoc arcano, cuius non me dico auctorem. Sum fortassis primus, qui eam Typo publicam feci, distractis exemplaribus per maiorem, meliorēq. Europæ partem: non aucupaturus laudem a demonstrato Vacuo, sed præparaturus duriora quorundam Peripateticorum ingenia ad tolerandum mihi nus acerbè Philosophiam meam, luci proximam. Dominus de Noyer vidit allegata docu-

menta, scilicet, librum Galilæi, libram Archimedis,

tubos ligneos, epistolas duas: testis insuper

oculatus omnium, quæ hic Varsaviæ

contigere in demonstratione va-

cui. Vale, Vir, quem dudum

amo, & veneror tibi, licet

ignotus. Varsaviæ

Nona Nouem-

bris, 1647.



489



nis
 Impugnatio Resp: A.R.P. Regentis Thomæ Capponi 3. Ord. S. Francisci ad experimentum vacui demonstrationis, confirmatę ab A.
 R.P. Magistro

DOMINICO FERRARIO
 dignissimo Ciuitatis Regij Theologo.

PRÆSTANTISS. VIRO

D. FRAN. TVRRICELLIO
 DENALIO.

Post egregiè peractam à Clarissimo viro Domino Ioan: Antonio Rocca iam vulgatam fistulæ ad probandum vacuū experiētiā, circumspectantibus etiam acerimis peripateticę doctrinę defensoribus; ex his alij non magis Aristotelica dogmata, quam veritatem adorantes, facta prius experimentorum, responsionum, ac impugnationum longa repetitione, tandem acquievere; Alij non; inter quos præcipue supra dictus P. Regens subtilissimas Rationes excogitauit ad idem experimentum.

Ego verò, qui propter alias rationes à Præstantissima Dominatione Vestra benigniter acceptas iā existimabā, non modo possibile, verum etiam aliquando necessario contingere vacuum; visa nunc conuincenti hac experientia, non à nouitate perterritus; sed certior factus sum: Vnde licet ad reiiciendas tanti viri Rationes non

idoneus

idoneus; nihilominus compulsus veritatis amore, quæ facilem pro sua tutela mihi viam ostendit eandem impugnationem intrepidus aggrediar examinando singula.

Dicit ergò primò Pater iste, naturam abhorrere à vacuo, ideoque, se putare, spatium à mercurio relictum plenum esse corpore coalescente, & euaporatione mercurij, quasi diceret: Natura abhorret à vacuo; ergò vacuum impossibile; inepta verè consequentia; nam ex eo quod filum pendens v. g. sustentans vnus libræ pondus scissioni resistit, & abhorret ab ipsa, non benè concluditur, quod quocumque pondere appenso, scissio fieri sit impossibilis. Hoc igitur argumentum illius loco substitue: Natura abhorret à vacuo, eique resistit (quare propria virtute graua suspendit); at quia virtus naturalis agentis proprium habet terminū, cum sit finita; Hinc est, quod, sicuti filum pendens, vt scissioni resistat, sustentat pondus vnus libræ; non verò 3, vel 6. ita natura ne vacuum admittat 7. 8. vel 9. sustinet librarum pondus, non verò 30. 60. vel 200.

Ibidem etiam includitur hoc argumentum: Natura, nil facit frustra; vacuum esset frustra; ergò &c. Ad quod multiplex est responsio; tum quia natura verè, ac posituè non facit vacuum (cum actio terminari non possit ad nihil) neque per se illud intendit, sed per accidens sequitur: Explico: posito lapide in vase aqua pleno duo sequuntur effectus, descensus lapidis, qui per se, & immediatè intenditur ab eiusdem grauitate, ac ascensus aque, qui mediatè sequitur, atque per accidens, quatenus ob corporum impenetrabilitatem descendere nequit lapis, absque eo, quod ascendat aqua; sic in experimento duo sunt; primum est mercurij descensus, qui per se, ac immediatè intenditur à natura; sed quia mercurius in descensu spatium relinquit; in quod aliud corpus subingredi nequit; ideo, licet necessario, per accidens tamen, ac mediatè sequitur vacuum; tum etiam quia licet na-

tura faceret vacuū, non tamen frustra; sed ad optimū finē, & cū recta electionē illud faceret: Exēplū est in promptu: se stultum fingere dedecet absolutē prudentem; at in reo v.g. lese maiestatis ad euitandam Principis iram prudentius est, quam prudentem agere; sic à pari: licet simpliciter arguat in natura stultitiam admittere vacuum adeo sibi violentum; admittere tamen ipsum ad fugiendam maiorem violentiam, ne v.g. mercurius inter grauiā grauiissimus ad 4. vel s. cubitorum altitudinem permaneat violenter eleuatus, ordoq; vniuersi nimis interturbetur, optimum arguit in ipsa regimen, ac electionē.

Dicere verò, mercurium euaporabilem esse (licet ex vi propriæ rationis in hoc probando forte non assequatur intentum; (sunt enim hæc eius formalia verba) mercurius est maximè aqueus, & habet non nihil subtilitatis aeris, ac terre soliditatis, quare ponitur à multis materia proxima metallorum, ergò &c.) nihil officit; cum enim euaporatio mercurij, præcipuè tanta, quanta requiritur ad replendos duos, vel tres fistulæ cubitus, præsertim absque intenso calore fieri non possit nisi longissimo tempore, desensus verò nostri mercurij fiat breuissimo, consequenter improbable redditur, superiorem fistulæ partem plenam esse vaporibus.

Confirmatio quoque per experientiam probans mercurium per transire pannum (quod ab eius grauitate, ac liquiditate prouenit) nihil ad rem.

Præterea non valet asserere, fistulæ motum, manuumq; contactum excitare mercurium ad euaporationem; tum quia mercurij motus hunc effectum prestare potens nullus est, præter eius descensum (non dum enim antea vapor separatus erat) manus verò per contactum (vt optimè dicit Pater Theologus) vix proprio calore possunt extimam crassæ fistulæ superficiem afficere; non igitur ex adeo debili causa tantus effectus expectandus est; tum etiam, quia si breuissimo tempore descendit mercurius

è parte superiori fistulæ; quia propter motum, manu-
que contractum vaporibus implet spatium a se relictum;
cur paulo longiori tempore non descendit è tota fistula?
(præcipue si præ manibus agitetur) cur eundem non
præstat effectum in breui cannula? cur in longiori idē oc-
cupat spatium, ac in breuiori? cur denique secundum
maiores, vel minores motum, manu-que contractum
non euaporat magis, vel minus, ac proinde maius, mi-
nusue spatium occupat?

Neque Responsio Patris Theologi dicentis, mer-
curium perstrictum, ac agitaturn, vel subtilissimos emittere
spiritus, vel aerē interclusum, euitare potest experientias,
atque rationes probantes ibi nullum adesse corpus, aerē-
que præcipue; quæ licet magni ponderis; & innumeræ
sint, nihilominus (cum ex his nonnullas à se recenter
inuentas eruditissimè sit adducturus studiosissimus, ac
doctissimus Dominationis Vestre Frater Dominus Phœ-
bus) ego eas tantum, licet debiliores, assummam, ad
quas responsum esse putant supradicti Patres; meumque
munus erit eorum responsiones impugnare, ac penitus
cuertere: Sit ergo.

Prima ratio: si descēsa mercurij portione elleuetur fistu-
læ orificiū ad aerem vsq; vel aquam in vase mercurio su-
pernatantem, hæc maximo statim impetū tendit ad spa-
tium superius occupandum; item mercurius inclinatus
atque directus fistula maius, minusque spatium occupat,
eundemque præstat effectum, si eiudem fistulæ orificium
ad suppositi vasis fundum deprimatur, ac elleuetur; ex
quibus nullū apparet esse corpus in superiori parte fistulæ;
sed solam naturæ providentiā in fugiendo quantum fieri
potest vacuo; aquam enim mercurio leuiorem ad fistulæ
summitatem attollit; ipsumque mercurium elleuat, non
tamen statutis absque terminis, ultra quos extendi non
licet.

Respondet ad primum, quod ideo ascendit aqua, quia
tale

tale corpus, quod supponit rarefactum petit condensari, ac proinde relinquere spatium, ad quod occupandum currit aqua.

Sed contra; tum quia cur minus est naturæ violentum grauitantem aquam elleuare, quam vapores iam rarefactos ita detinere? tum quia non ne impetuosissimus, vt ita dicam, ascensus aque vel aeris indicare videtur proprium finem esse accurrere alicui naturæ violentissimo cuiusmodi vacuum? non verò soli vaporis rarefactioni? tum denique quia si propter dictum finem ascenderet aqua, vel aer saltem cessare deberet ascensus ante totius spatij mercurio vacui repletionem, nempe statim, ac ille vapor ad naturalem condensationis statum reductus esset; cuius oppositum testatur experientia.

Nec respondere valet, etiam post vaporis condensationem aquam ascendere, vt mercurius vaporis suo se rursus vniri possit, quia tantanè forsam est mercurij connexio cum vapore iam separato, quæ violentare possit aquæ naturam ad ascendendum ad 7 vsque, vel 8 cubitorum altitudinem? præcipuè, cum per ipsos mercurius faciliter euaporet, & cum appareat omnes, vt aquæ vg. vapores absque violentia permanere separatos: Præterea, certè minus est mercurio violentum ad centessimam cubiti partem elleuari, quam aquæ ad 7. vel 8 cubitus (hoc demonstrari potest per grauitatis inter vtrumque proportionem) ergò; si vt vapor ille suo possit vniri mercurio ascendit aqua ad 7 vel 8 cubitus, cur dum fistula descenso mercurij tantillo, clausoque orificio iacet in plano, cur, inquam, mercurius se non elleuat ad supremam fistulæ superficiem (à qua suppono quod distet vix centesima cubiti parte) vt se vaporibus vniat?

Ad secundum verò respondet, in inclinatione fistulæ mercurium maius occupare spatium, vel quia partes aliquæ magis vniuntur in latere fistulæ vel, quia vapores magis condensentur, ac proinde relinquunt spatium, ad

quod occupandum currit mercurius.

Sed hucusque nulla responsio; prima namque indiget explicatione; non enim existimo talis viri responsionem eo modo intelligendam esse, quo intelligenda videtur, quia ferè stolidi dici posset: secunda verò non valet, tum quia non assignatur causa, à qua vapor ille condensari debeat in inclinatione, in erectione verò rarefieri; imò, quia secundum doctrinam eiusdem, motus, manuumque contactus mercurium excitat ad euaporationem, & in tantum descendit mercurius, in quantum euaporando relinquit aliud corpus in parte relicta; consequenter in inclinatione, motuque fistulæ magis euaporare deberet, atque descendere.

Secunda ratio: Si linteum maximè calidum applicatur superiori fistulæ parti, cum calor disgregando procedat, corpus vero vaporosum sit capax disgregationis; consequenter rarefieri deberet, rarefactum maius occupare spatium, ac proinde deorsum demittere mercurium, quod in experimento non apparet.

Respondet primo, quod non est necesse moueri mercurium etiam moto illo corpore, quia inter mouens, & motum requiritur aliqua proportio; cum ergò mercurius sit multum grauis moueri non potest à leuissimo corpore: Respondet secundo, tale corpus sine motu sensibili mercurij cum ipso misceri.

Sed vtraque Responsio facilimè rejicitur: primo; quia si rarefit corpus illud necessario maius occupat spatium, quod fieri nequit nisi mercurius locum ipsi cedendo deorsum moueatur, & quæso, quonam impulsu opus est ad deprimentum mercurium contra propriam naturam elleuatum? nullo quidem, nam à se ipso præcipitat; & eget tantum corpore subingrediente spatium à se ipso relinquendum; Præterea in quonam consistere debet proportio mouentis ad motum? forsam in leuitate, ac densitate? vt ipsemet insinuat: Nequaquam certè, nam, si

credendum est Aristoteli, Terrę motus prouenit ab exhalationibus terra subterclufis, & ipsam exagitantibus; quanam autem est proportio inter terram, ac exhalationes in leuitate, vel densitate? Insuper si exhalationes illę possunt elleuare terram contra propriam naturam, cur vapores isti non poterunt deprimere mercurium secundum eius inclinationem? secunda verò, quia si corpus istud mercurio miscetur, siue confunditur, vel debet admitti penetratio corporum, vel præsupponi vacuum in mercurio, vel saltem augeri mercurius, quod non apparet. Vtraque tandem simul impugnatur; intantum enim mercurius violenter permanet in inferiori parte fistule, inquantum corpus occupans partem superiorem non extenditur vterius; ergò datò, quod extendatur (vt in casu) insani niret natura si descensum adeo gratum mercurio denegaret.

Tertia ratio sic affertur ab ipso: Quomodo corpus illud reuerfa fistula, transire potest de extremo in extremum? & Respondet hoc fieri, quia cogitur à mercurio; Sed nulla Responso; nam in hoc nullam habeo difficultatem; meum enim argumentum est huiusmodi:

Si clauso orificio fistula ponatur in plano, vixque moueatur, statim mercurius tam impetuosè, vllaque sine renitentia huc, illucque repente collidit, vt ferè verificari videatur peripateticum illud: Motum in vacuo instantaneum esse; item reuerfa fistula, mercurioque descendente nullum apparet spatium per quod aliud corpus ascendat, transeatq; per medium (hec verò non ita contingunt si cum mercurio recludatur aer) ergò nullum est ibi corpus præter mercurium, qui quando tendit ad vnā fistule partem vacuum ex alia relinquit, & viceuerfa. Regij 20. Maij 1649.

PRÆSTANTISS: DOMINAT: VESTRÆ

DEDITISS. FAMVLVS

Antonius Morenghius.

Ingeniosissimo Adolescenti D. Antonio Morenghio.

Habui, amicissime Antoni, ingeniosissimam, ac acutissimam tuam impugnationem: quę adeò digna mihi visa est, ut eam huic pretioso libello, de Vacuo, qui nunc typis mandatur, inserere non dubitauerim. Ex quo, tū meum erga te amorem, tum virtutum tuarum existimationem potes dignoscere. Interim me amare non desine: meque frequenter huiusmodi eruditissimis tuis epistolis visitare. Vale. Venetijs. 2. Iunij. 1649.

638.1-4

Z

Amantiss. tui Famulus
Franciscus Turricellius Denalius.

FINIS.

99 954039

638.1-2

